

1 Koridi

Koridi Mwaalyaraavina Poli Pikarya Aaya Mudi'nanya' Yidavakesi.

¹ Nya'mweihi, Koridi mwaalyaihi,
Polinyi paaziya' yihyasiwaabe. Gotiyai
simunya sara yawirakevi Kiraazitiyai Jizaazai
nyidaasadeinyi apozeliyainyi yima'nya'neinyi
nyijivwaramaakeinyi. Nabaai Sozithenzai
neya'mwei nimiji mwaalikelyi. ² Gotiyare
kusilaanyaviyaihi Koridi mwaalyaihirina
yihithawasivanaabihe. Kiraazitiyai Jizaazari
sarimire girikita'nanya duimwagasi'nikeihiri
Gotiyai yihizivwaramaake'na Gotiyareihii
yuna tewaanyaihi yima'nesaihiyi. Nabaai anga
yuyabanya yuyara nemire Naangei Jizaazai
Kiraazitiyarine yayavi yilaaya widadivisara
Gotiyare tewaanyara yima'nesare. Yi sahwai
kuminyi Naangei yaka neminyi Naangelyi.
³ Nemire Nenimaangei Gotiyalyi Naanga
Jizaazai Kiraazitiyai kwalyi tewaanya yange'na
yihigaimwagika! Kirimire kwaamu'nanyabwi
yihwarana!

Polii Gotiyari "Su! Su!" widadake'nesi.

⁴ Kiraazitiyai Jizaazari wilamwaaihasa'na
Gotiyai gamire tewaanya yangebwi sihumale
yihizaavakelyi. Sarevi yuyagaa' sariminyina
Gotiyari "Su! Su!" widadinyainyi. ⁵ Sare'
dare'nanyi. Kiraazitiyari wilamwaalesavi

Gotiyai sariminyine yuya yunebanna yihyakelyi. Yi yuya yagaala wijiwaakya saji yuya kunya yawita saji kininnakeihilyi. ⁶ Kiraazitiyarina yihizalukurakobaaibi' sarimire simunyavi mena diraginya yihwarake'na sahini kininnakeihilyi. ⁷ Sarevidaa'nyi nemire Naangei Jizaazai Kiraazitiyai ku'maayabanna yima'naabathe' sarimi yemwaaihasagaa' Kurya Tewaanyare sihumale aane pri' kir' yihigainadeihi mi'. ⁸ Nemire Naangei Jizaazai Kiraazitiyai sariminyi diraginya yivaimwanga yihyathelyi. Sara kuna kihyoji aayagaa'nanyi. Yi sagaa' Yirika Naangegaa' sahwai walaabathehaa' Gotiyai yihyivaimwade'na sarimi kayaa'na yiwetawakya maayaihir' Gotiyai yihizidavadei mi'. ⁹ Sare' dare'nanyi. Gotiyai gamire Gawaalivaangei Jizaazai Kiraazitiyai nemire Naangelyi yihye'mwannamwaalya'neihiri' jaka yihizivwaramaarakelyi. Yi sahwai sara dake' "Sara yideinyi," yi sara neyivanikelyi. Nebulya'nanyalyi. Sare'na diraginna yihivaimwannikeihi, yi, yiwetawakya maayaihi dimwaalyideihilyi.

Kiraazitiyare kusilaanyaviyara jaa-painesa'nesi.

¹⁰ Nya'mweihi, nemire Naangei Jizaazai Kiraazitiyare diraginya' nyijaavake'na diraginna dara yihithima! Sarimi yuyaihi yagaala avainanyanna nayaa dizila! Sarimi kuna jaapainadivi' yagaala ge ge madibinera! Simunya avainanyaburiji yawibwarya'ne avainanyaburiji je'mwannamwaalyila!

11 Nya'mweihi sara yihithiwe' darevinyi. Kilo wiyavirera sariminyina dara nyidiwa'daa' "Sahwaraavi mayagaalya kuna warika."

12 Nyidiwa'daata yuyangina divanige. Sarimijiya gazarazara ge gengi dara divaniga'. Pwara dina "Yi, nimi Polimireinyira." Nabaai pwara dina "Yi, nimi Aapolizareinyira." Nabaai pwara dina "Yi, nimi Pitareinyira." Nabaai pwara dina "Yi, nimi Kiraazitiyareinyira."

13 Kiri' nimi yihithima! Kiraazitiyari japalaan-nei daaka! Sarevi be'na jaapain+waa'! Polinyi sariminyineba yisaviri maratamarimwesainyi daa! Polinyine yayavi bavitaaazyabwi maaresavi daaka!

14 Sariminyawi nimi Kirizipaazalyi Gaayaazalyi yune saraarina bavitaaziya' ye. Yi a'mwe pwara aawa.

Daza'na Gotiyari "Su! Su! Sare' tewaanna ye," widivanige.

15 Sarevi yi aane pwai kwai yagaala yinga wi'na dara nadathika! "Polimine yayavi bavitaaziya' nyake'na sahwareinyi." Sara maji ya'ne'na yilaaya yivanige.

16 O, navika nyiwaka! Nabaai Sitepaanazare angeviya pwaraaviji bavitaaziya' yeinyi.

Yena ayahi pwariji kwaraariji bavitaaziya' yeinyi dingaka? Sa' nimi myawiriwa.

17 Sare' darevinyi. Nimi a'mweraavi bavitaaziya' ya'neinyi Kiraazitiyai nyimaryasaabakeinyi mi'.

Aawa. Gamire yagaala tewaanya wijiwaakya'neinyi nyimaryasaabakeinyi. Yagaala sa' widadinyavina a'mwe simunnakera

Kwaaka davakiyangina dadivitabaai' nimi sara majiwana. "Kiraazitiyai yisavi balake'

saba sana yaasiwaka nyima'nadika!” dena a'mweraavire yawisabwi sara madiwineinyi.

Kiraazitiyai Gotiyare diraginaangei simunyavi yune aaya kaavilyarines.

18 Sare' darevadaa'nyinyi. Piri' daresti. A'mwe pwara, Dikevina kayaaka yinikevi tusavi wivanigasara Kiraazitiyai yita yovihirarannikevi balakevine yagaalya'na dara yawi'divisare “Yagaala sa' simumaayasi.” Piri' daresti. Nemi a'mweina, Gotiyai neminyi nevadaihasamaa'manikeina dara yawi'daanyaine “Yagaala sa' Gotiyare diraginaange' neyibwaridaakuvanikesi.”

19 Sare' darevadaa'nyinyi. Gotiyare bukuyavi sinnawi Gotiyai jaake' dara dini' “Simunnakeraavire simunyabwi kayaaka yigalideinyi.

Simunya yawi'nikeraavire sidusabwi yaasiwa'nanya yibwaridaakudeinyi.”

20 Sarevi dahaasara simunnakeraavina gatha'darevaka! Bukuyangi pada'galayawirangadivita sidu'nakeraavina gatha'darevaka! A'mwe dathahaasara gavamarasi'nyiyagaala didivisaraavina gatha'darevaka! A'mwe Kwaaka davakiyaraavire simunya' Gotiyai simumaaya' wakake' midaaka! 21 Sare' darevadaa'nyinyi. Gotiyai simunya nebulya' kininnakei dara yawi'na “A'mwe Kwaakevakiyara yune simunya kunyabwina nimini' myawiramaari yipinere.” Sara yawi'na yakevi, Gotiyari dara wivu'nakesi. Nimirera nimirere yagaalya' wijiwaakipi'devi pwara Kiraazitiyari

limwabi'deraavi padaihasamaarideinyi. Kwaakevakiyara wijiwaakya dazavina kwaasi dara yawi'maniga' "Yagaala sa' simumaayasi." ²² Juyara yijiwaainya atika maru'nasangi yidaangadivi' yawi'divisare "Sahini tinna wanganawaaji yagaalya' limwagaraadera." Girikiyara simunya' bi'divi' "Sari'mire yagaalyavi aaya kaavilya' nemire simunyavi yawi'ramarawaaji 'Nebulya' dingaka? Nebulya' midingaka?' yihithaadera." ²³ Nabaai sare kirawaari nemi saina Kiraazitiyari yita yovihirarannikeyi maratamarimwesarine yagaalya' wijiwakadaanyaine. Piri' daresti. Yagaala daza' Juyara kayaasimunya wima'naderera. Nabaai piri' daresti. Ajimya yuyangiyara yawi'divisare "Simumaayasira." ²⁴ Kiri' a'mwe pwara Gotiyai jaka jivwaramaa'nikera sahvara Juyaraji Girikiyaraji saraavine Kiraazitiyai sai Gotiyare diraginaangei yaka Gotiyare simunyavi aaya kaavilyalyi. ²⁵ Sare' dare'nanyi. Yagaala daza' "Simumaayasireva," Gotiyare yagaala sa' simunya naange' kininnakesi. Yi a'mweraavire simunya savi wavilavikesi. Nabaai "Waryaanyasireva," Gotiyare yagaala sa' diraginya naange' kininnakesi. Yi a'mweraavire diraginyavi wavilavikesi.

²⁶ Sare' aaya kaavila daresti. Nya'mweihi, Gotiyai jaka yihizivwaramaakegaa' sarimire mwaalyabwine'na ayina jawiranganyila! Sarimijiya a'mweraavire kilaakejikiya simunyabwi kininnakera a'mwe kwalaalyara

mwaalesara daaka! A'mwe naangera diraginnakera sarimijiya sara a'mwe kwalaalyara daaka! Yaya munyaba yinikera sarimijiya sara kwalaalyara daaka! ²⁷ Aawa. “Simunnakeraavina makinyaburi bwalaw-iekirakima!” daka Gotiyai a'mwe Kwaaka davakiyara sariminyina “Simumaayarera,” dadivisaihiri yihithahilakakelyi. Nabaai “Diraginyaraavina makinyaburi bwalaw-iekirakima!” daka Gotiyai a'mwe Kwaaka davakiyara sariminyina “Waryaanyare,” dadivisaihiri yihithahilakakelyi. ²⁸ “A'mwe naangeraavi kuneraavi wimwaaihimama!” daka Gotiyai a'mwe Kwaakevakiyara sariminyina “Yaya kwaakebanyara yaasiwakere,” yi “A'mwe angwangwere,” yi “Kunerera,” dadivisaihiri yihithahilakakelyi. ²⁹ Sarevidaa'nyi Gotiyaryaba a'mwe kilaa'naka yuyarajiya aane pwai kwai gaminne yaya' munyabanna mamakilyi yannelyira gamire simunya piburina, gamire diraginya kiburina. ³⁰ Kiraazitiyai Jizaazari wilamwaaihya'neihiri Gotiyai yihimwaaihakelyi. Gotiyari neminyine'na Kiraazitiyai Gotiyare simunyavi aaya kaavilyai yima'nakelyi. Yi sahwarì neminyina Gotiyai dadelyi “Yida'maraangeihi nimireihilyi.” Yi sahwarì nemi a'mwe tewaanyaina Gotiyareina yima'nya'neinaavi nemwaaihakelyi. Yi sahwarì nemire kayaa'nanyangina ayahi nemubamaarakelyi. ³¹ Sarevidaa'nyi “Sara yaana!” daanneinaavina Gotiyare bukuya' dara dinikabaabisasi.

A'mwe gaminne yaya' munyaba makidei
Naangerina gaverina nayaa sara makilana!

2

¹ Nabaai, nya'mweihi, nimi kwainyi sinnawi sariminyawinna wawegaa' Gotiyarine jalikurakya' yihiziwaakadi yagaala simunya yawiririkisaji mamakabyeinyi. Sarimi “ ‘Ai, a'mwe sai simunyavi neminyi newavila'delyi,' nadipidika!” dena sara mihiziwaakyeinyi. ² Sare' aaya kaavila daresti. Sariminyawinna mwi yagaa' nimi mena dara yawibwarayawiramarake, “Sahwaraayaba Jizaazai Kiraazitiyarina simunya' yune saharine'na nayaa yawirideinyi. Yi yita yovihirarannikevi mararamarimwesarina nayaa yawirideinyi. Simunya aane piri' kiri' yawirideinyi mi'.” ³ Yi nimi sinnawi sariminyaba yihye'mwannamwaalegaa' nimi sainyi waryaanyainyi. Nimi “Gotiyare wawinya naange' nayaa yiwineinyi dingaka?” dadi wawinya sa'na lika naanga yadi b'bita yadi yihiziwaakeinyi. ⁴ Nabaai yagaalya' yihithadinyasi nimore yihiziwaakadinyasi yi dazawaai a'mwe simunya yawi'nikeraavire yagaalyaburi mihiziwaakye. Nimore simunya savi sarimire sabwi marima'nya ya'nevi mihiziwaakye. Aawa. Kurya Tewaanyai gannya diraginyavi yihibwaridaakwakesi. ⁵ Kiraazitiyari limwagya'nehirina waryaanyaib'sainyi mwaale. Yi nimi “A'mweraavire simunya saburi sarimi nebulya'na limwagata nyipidika! Aawa.

Yune Gotiyare d̄iraginyav̄ina limwabika!” dena sara yihyeinyi.

Gotiyare Kuryai simunya nejaavanike'nesi.

⁶ Sara yihithiwe kiri' a'mweraavi Gotiyare sabwi d̄iraginya mena yivaimwannikeraavi nemi simunya yawi'nike' wijiwakadaanyaine. Sare kiri' sa' a'mwe dahaasiyaraavire simunya yawita' mi'. Nabaai dahaasara maremwaaidivita sahwaravire simunya yawita' mi'. Dahaasara yiwia'nere. ⁷ Aawa. Nemi Gotiyare simunya' wijiwakadaanyasi. Yagaala daza' Gotiyai l̄ika yulyaryaakesi. Daza' nebulya' yoimavajal̄ikurakyav̄inanyasi. Gotiyai Kwaakeva' mwakyaakegaa' yi sahwai simunya daza' mena dah̄ilakakelyi. Nemi byaanna d̄iraginyavi nawinyavi mwaalya'ne'na sara dah̄ilakina yakelyi. ⁸ A'mwe dahaasaraavi maremwaaidivita sarajya aane pwai kwai simunya savi aaya kaavila dazavi yawiramaa'n̄ikei mi'. Sare' diwevi aaya kaavilya' daresi. Simunya sa' yawi'n̄ikara mwaabizi kwaji yi sahwara Naangei Sigunyaviyai byaanna d̄iraginya' kin̄innakeri yita yovih̄rarannikevi mamararamar̄imwi kip̄idika! ⁹ Aawa. Sahwara savina myawiryesara yeta dazanna Gotiyare bukuyavi sanna dara din̄ikabaabisasi.

Piningi tinnyai mwanganyaja

Nabaai kadiki' mu'nyaja

A'mweraavi simunyangi mima'nyaja

Gaminyina tewaanya w̄ivu'naderaavine

Nabaai sahwaraavi wigaimwagya'neraavine

Gotiyai mena yovirawakakengi.

¹⁰ Sare' aaya kaavilya' darsi. Yi gamire Kuryari nevu'nadeinaavina Gotiyai lika yulyaryaake neyibwaridaakwakengi. Sare' aaya kaavilya' darsi. Kurya Tewaanyai kaavila yuya sangi wijalangesakadelyi. Yi Gotiyare sabwi neminyi lika mena yulya'de sangiji Gotiyare simunyavi wijalangesakiwaidaawadelyira. ¹¹ Sare'

darevinyi. A'mwe pware simunyaburi be a'mwei yawirangadelaka! Aawa. A'mwe dazare gannya kuryaina, sai gaminyi kusawi wilamwaaide sarei yawirangadelyi. Sabaabi' Gotiyare simunyabwi yawirangadei a'mwe pwai mi'. Aawa. Gotiyare gannya Kuryaina gave sahwaina yawirangadelyi.

¹² Yi nemi Kwaaka davakiya simunya mamaaryo. Aawa. Gotiyaryawidaanya simunya Kuryari maarolyira. Yi Gotiyai neminyina "Sahwaraavina yange'na wijaave yuya gaimwanga sanna yawirangabika!" daka kaneya' Kurya sahwari maarolyira.

¹³ Yi gaimwanga dazangi nemi yagaalya widadaanyi. A'mweraavire simunyabwine yagaalya neyiwiryadivisangi widadaanya mi'. Aawa. Kuryare simunyabwine yagaalya neyiwiryadengi widadaanyangira. Kurya Tewaanyai yagaalya nejaavadeji Kuryare nebulyanna wijiwakadaanyaine. ¹⁴ A'mwe

kwai, Kurya Tewaanyai maayai Gotiyare Kuryare yagaalya maa'dei mi'. Sare' aaya kaavilya' darsi. Sai dara yawi'delyi "Daza'na yagaala simumaayasira." Yune Gotiyare Kuryai negaimwada nayaa yawibwarama'daanya'na

dazai Kurya Tewaanyai maayai dazavire aaya kaavilya' myaw+rangany# yannely#. Myaw+rangany# yanne'na “Simumaayasira,” sara yawi'dei. ¹⁵ Kir'i', pir'i' daresi. A'mwei Kurya Tewaanyai kin+innakei sai yuyangi nayaa yaw+bwarangadely#. Pir'i' daresi. A'mwe aane pwai kwai Kurya Tewaanyai kin+innaker+na yiniga wi'na yaw+bwarangadei mi'. ¹⁶ Sare' darev+idaa'nyiny#. Dara din+kabaaib+ki
 “Naangere simunya' aaihwai yaw+rangadelaka!
 Yiniga wi'na yaw+rayannei aaihwalaka!”
 Nabaai sare kir+iv+ nem+ Kiraaz+tiyare simunya' kin+innakeine.

3

Kiraaz+tiyare kus+laanyav+yara Korid+ mwaal-yara japainesaraav+nes#.

¹ Nya'mweihi, nabaai ni+mi' a'mwe Kurya Tewaanyai kin+innakeraav+ wi+dad+inyabaaibi' mih+z+ y+iw+ineiny#. Aawa. Simunya sinnaw+inya' kin+innakera kilaakej+kiya yaw+sa maremwaal+keraavi wi+dad+inyabaaibi' yih+th+weiny#. Kiraaz+tiyari w+lamwaaihata bwaranyarab+saihi+ri yih+th+weiny#. ² Nya'ne aamunya yih+zaaveiny#. Wapaaya dirag+inya mih+zaaveiny#. Sare' darev+idaa'nyiny#. Dazagaa' wapaaya dirag+inya tika pi'maanganya ye'. Yune sare'na mi'. Aawa. Dahaa' k+igaasi sar+im+ kuna mi y+i+neih+ily#. ³ Sare' darev+idaa'nyiny#. Kilaakej+kiya yaw+saj+yaihi kuna mwaaiha'. Darev+iny#. Sar+im+jiya pwai gya'mwer+na tiganaarya sabuly# y+

nabaai maimaangebulyi sasare sabwi kuna yihwari!. Sareyaba kilaakejikiya yawisajiyaihi midaaka! A'mweraavireburina kaanya yamaryadivisaihi midaaka! ⁴ Yihithiwe sare! aaya kaavilya! daresi. Yi sarimijiya pwai dara dina "Nimi Polimireinyi." Yi pwai dina "Nimi Aapolizareinyi." Sana sana yivaniga!. Yi sasare dazaburi sarimi Kwaaka davakiyaihi kuna damwaaihava!

⁵ Sarevdaa'nyi Aapolizai sai bewalaka! Polinyi sainyi bewainyaka! Naarimi sainaai yuna widaayadasainaalyi. Naangei naariminyi wawinya! sari pirina pwainyi pirina nehizaavakabaabi! widaayadasainaai sara kyagoi naarimire yagolyavi sarimi Kiraazitiyari limwagaresaihilyi. ⁶ Nimi tika wapaayavire wia burideinyi. Aapolizai wia sangi aalya! wijaavakelyi. Sare kirivi Gotiyaina yadaasi ariwinya bilyadengi. ⁷ Sarev a'mwei tika wapaayavire wia buridei sai maalikelyi. Nabaai a'mwei aalya wijaavadei sai kwalyi maalikelyi. Naangeraai mi!. Aawa. Sai yadaasi ariwinya bilyadei Gotiyai sai gave sahwainanyai naangelyira. ⁸ Yi a'mwei wia buridelyi yi a'mwei aalya wijaavadelyi saraai kirimire wawinyavina yune avaainanyaraalyi. Saraaridaa'nyi pwai tivikita pirina pwai pirina saraare wawinya yadisawaarina maarikaderaalyi. ⁹ Sare! aaya kaavilya! daresi. Naarimi sainaai Gotiyare avaaiwawinyainaalyi. Sarimi Gotiyare wawinyaihilyi. Sahwai sariminyi yivanikelyi.

Nabaai Gotiyare anga mannikaihilyi. Sahwai sariminyi yihimadithaakwadelyi.

10 Gotiyai nĩmĩnyĩna yanga gaimwangebwi nyĩjaavakevĩna anga majavĩne maremwaaide sĩdu'nakei yadevaaibi' nĩmĩ tĩvi'na likĩleinyĩ. Sara likĩlevĩ a'ba a'mwe pwara ye'mwannayĩlamadĩvisare. Sarevĩ nabaai sahwaraavĩ gazaizai mala nayaa yĩwannada nayaa ye'mwannayĩlamadana! Yagaala nawĩ'nya wĩjĩwaakana! 11 Sare' aaya kaavĩlya' darestĩ. Angevĩya likĩlya nebulya'nanyai mena warĩ'. Sai Jizaazai Kĩraazĩtiyalyĩ. Nabaai likĩlya pĩnĩ a'mwe aane pwai kwai yĩnĩga wi'na likĩlannei mĩ'. 12 Yĩ nabaai a'mwe pwai likĩlya dazari "Ange' munyawĩ yĩlamadĩma!" dazai goliyaji madatheĩ dĩngaka? Sĩlĩvaayaji madatheĩ dĩngaka? Sĩla nawĩ'nya mubya naanga yadĩvisaji madatheĩ dĩngaka? Nabaai yĩsaji madatheĩ dĩngaka? Yannyaji dĩngaka? Kwavĩsaji dĩngaka? Kaabinnyaji dĩngaka? 13 Yĩ a'mwera sara mabĩza' dĩvi gazarezare wawĩnya' ku'maayaba yĩma'naabathesi. Sare' aaya kaavĩlya' darestĩ. Kotiya ya'negaa' yĩrĩkerĩ' yĩjĩwaainadesĩ. Yĩ dĩkevi wĩjalangasakade'nanyĩ. Dĩka daza' yawĩranganya'ne' a'mwe gazarezare wawĩnya' sara kanojĩ dara wĩjalangasakade' "O, ange' madakegaa' wawĩnya savĩne dĩragĩnya' sasare' daaka!" 14 A'mwe pwai kwai likĩlya dazari nayaa madazavĩ dĩa manyĩ kyojĩ yĩ gamĩre wawĩnya'na tĩvikĩta nawĩ'nya' maaradelyĩ. 15 A'mwe pwai gamĩre wawĩnyavĩ dĩa sa' kanasĩ'nojĩ yĩ sarei tĩvikĩta sa' mamaari yadelyĩ. Sare kĩrĩ' anga made gamĩ sari Gotiyai padaihasamaaradelyĩ. Kĩrĩ' angadĩkevi pwarĩ

magiropalama'daanyabaaibi' dikevi kusawi
Gotiyai sari padaihasamaaradelyi.

16 Sarimi Gotiyare anga tewaanyasira.
Yi Gotiyare Kuryai sariminyi
wilayihimwaalikeihilyi. Sarimi daza'na
myawirijiwaa! 17 A'mwe pwai kwai Gotiyare
anga tewaanya' kayaaka yigalajai yi a'mwe
dazari Gotiyai kayaaka yigalakadelyi. Gotiyare
ange', sa' tewaanaange'nanyi. Gamiresira.
Daza' yi sarimi saihilyira.

18 Aka, a'mwe aane pwai kwai gami
sarine'na kwaasi madinanna! A'mwe pwai
sariminyi tinnyabanyai dahaasa saburi
midinajai yi gannya simunyavi "Nimi simunya
naangebwi kininnakeinyi yima'nima!" dozi
sahwai ginyiwanna yoji Kwaakevakiyaburina
simumaayai yima'nana! 19 Sare' darevinyi.
Gotiyaryaba Kwaaka davakiya simunya yawita
sabwi yi sa' siduta maaya navi'navikebulyi.
Daza'na Gotiyare bukuya' Gotiyarina dara
dinikevinyi.

"A'mwe siduta yawi'nikeinera," dadivisara
kwaasiya yadaapiji
Kwaasiya sabwi yinahunyabulyi Gotiyai
kayaaka yigaladelyi.

20 Nabaai yagaala dare kirisi dini'
"Naangei nayaa dara yawi'mani'
'Siduta yawi'nikeraavire simunya
Yi sa yaasiwa'nanyangi.' "

21 Sarevidaa'nyi a'mwe aane pwai kwai
a'mweraavine yaya namakiladika! Sare'
darevinyi. Yuya yuya yi sariminyinengi. 22 Yi

Polinyi dɪngaka? Yi Aapolizai dɪngaka? Yi Pitai dɪngaka? Yi Kwaaka datha' dɪngaka? Yi gaalyabwi dɪngaka? Yi baryabwi dɪngaka? Yi dahaa' warike dɪngaka? Yi divi yima'nade dɪngaka? Ai, yuya sa, yi sariminyinengi.
²³ Nabaai sarimi Kiraazitiyareihilyi. Sabaabib' Kiraazitiyai sai Gotiyarelyi.

4

Gotiyare wawinya'yadivisaraavinesɪ.

¹ Sare'na neminyina Kiraazitiyarine yadaanyainaavina a'mwei dara yawirana! "Sahwara Kiraazitiyare widaayadivisare. Yi Gotiyare yagaala kuku'nya, nebulya' yoimavajal'kurakya maremwaaidiviv' wijiwaakadivisare." ² Sarevi maremwaaide wawinyav' kiwinya' kininnake' dara warikesi. Gyakwai maremwaala dare pwai kwari bi'delyi "Maremwaalyabwina nayaa pada'galalimwaga'dei daaka!" ³ Nabaai niminyi sarimi kwaihi a'mwe pwara a'mweraavire kotiya' maryawibwarya'neinyi yi nimi daza'na yawirideinyi "Sa' maalitaayasira." Nabaai nimi kwainyi ninnya sabwi maryawibwa'di "Tewaanyasira," dadinyainyi mi'. ⁴ Sare' aaya kaavilya' daresi. Nimiire wawinya'na yiwetawakya aane piri' kir' myaw'nyainyi. Sare kir' nimi wi'na dara madiwina! Nimi a'mwe yidamaraangeinyira. Niminyina maryawibwarya'neinyi daaka! Aawa. Sabwi sa' wawinya yune Naangeresi. ⁵ Sarevidaa'nyi Naangei walaabathehaa'na sinnaw' sarimi aane piri' kir' mmaryawibwapina! Walaabathehaa'

sahwai sawisavi lika kima'nyawi yulyarike yi baakebanna marakadengi. Yoji sahwai yuyaraavire simunyabwi ku'maayabanna marima'naabathelyi. Yi dazagaa' sariki Gotiyari gazaizai yakevine tivikita maaradelyi.

⁶ Nya'mweih, sariminyina yagaala dazangi ke'ba'na diwengi. Yi nimi sainyiji Aapolizalyi sinaarina ke'ba'na diwa. Sarimi saili naariminyina yawi'divi' yi yagaala gavenna dinike mwavilapina! Nawi'nya yidasabwi dimidinyide'nanyi. Sara yadivi' pihadika nyipika! Wijawaakadivisarajiya yaya pwarine'na makina, pwarine yaya' walamarakina yadivisa'na pihadika jideihi dingaka! ⁷ Sare' darevinyi. Giminyi a'mwe naangei aaihwai gwakakaiginaka! Gotiyari mamaaryaginya kininnakeigire beningaka! Yi yuya sanna "Gotiyai yanga nyijaavadeinyi daakaji," yune giminne yaya'na makimaniginya' be'na yivanigi! Gotiyari mamaaryadivitabaabib' be'na yivanigi!

⁸ Dahaa' sarimire kuryaraavi yunebanna tivi'na mena yihwakeihi daaka! Dahaa' Gotiyare yuya kininnakeihiri kwaala piningina mena mihimudaasiwakeihi daaka! Nemi Apozeliyainaji man-eye'mwannayadivi' kingiyaib' Gotiyarina maremwaaimanigasaihi daaka! Aka! Nimi sahiri'na nyivu'niwa'. Sarimi kingiyaibisaihi maremwaabizi kwaji "Apozeliyaina sarimiji yihye'mwannamaremwalaana!" dona sara kamwalaadika! ⁹ Sare' darevinyi. Nimi dara yawi'manige. Gotiyai nemi Apozeliyainaavi

maali+keinaavi nemwaaaha'. A'mwe pwaraavi kwaakewi nemwaaiahakeine. Nemi dareinab+saine. A'mwera koti+ya' mena yadi+vi' yi nemi nayaa balaade'na neji+davesaine. Sarevi yi sahwara neramakipi'de'na avaangwaasavi yuyaraavire tinnyari ejeli+ya kwaraavireriji a'mwe kwaraavireriji sara nemwaaiahake'nanyi.

¹⁰ Kiraaziti+yarina wiji+wakadaanya'na "Simumaayarera," nedadi+visaine. Kiri' sarimi "Kiraaziti+yarina kunnakeinera," didi+visaihi+yi. Nemi waryaanyaina, yi sarimi d+raginaangeihi. Sariminy+ne yaya makidi+visaihi+yi. Yi neminy+ne yaya mamaki+lyadi+visaine. ¹¹ Yune dathahaa'na nemi wawinya yivanigo'na mijika mwaaimanigo. Yadaa nemire kulalyangi wana yaalika neyihirasi'mani'. Nabaai neminyi kwaabihannyanna negain+van'. Asa gwaamwadi+vi' neminyi yaasi+wa' maina neramamarivan+gasaine. Yi sara neyadaapi nemi anga nayaa mwaalya'neba piba aawa.

¹² Nemi saina pwaraavi nemire wapaayanna myidaanganyadaa yag+yagi wawinya nebulya'na yune nennya asiraj+na yadaanyaine. A'mwera paasiyagaala nedangadaapiji yagaala nawi'nyanna ja'nawidadaanyaine. Sahwara neminyi wana kayaa'na neyigaidaapiri nemi kave nayaa tinnaina wanganna yadaanyaine. ¹³ A'mwera walapapalakya yagaala kayaa'nanya yinahunya sawinne saza nedadaapiji nemi yagaalya kave widadaanyi. Kwaaka yuyawinna nemi wana yaaye tiriti'nanya nebulya' yima'nadaanyaine. Yuyaraavire giri+kita'nanyaina mwaaiho. Nemi

Apozeliyainaavire wawinya yadaanyavi sara kuna mwaaiho yimabaka nabaai dahaa'nanyira.

¹⁴ Yagaala daza sariminyi wagila yihizaaya'ne' yida'mwe mi'. Aawa. Nimire kaimiraayahirina tewaanya nyivu'nivanike'na yi "Kumire simunya nimi yawirarilaaya yima!" dena yida'mwengi.

¹⁵ Sare' darevinyi. Kiraazitiyari wlamwaaahasavi nebulya'na sirigihivaanga kwala naanga naangera kininnakeihi mwaabizaihi kiri' sirinimaanga kwalaalyara maayaihilyi. Aawa. Gave pwalyi. Darevinyi. Nimi yagaala tewaanya' yihiziwaakevi Kiraazitiyai Jizaazari wlamwaaidivisaihirine sirinimaangeinyi yima'neinyi gaveinyi.

¹⁶ Sarev'idaa'nyi dara dihaa'bwata yihima! Sariminyine ke'ba'nanyainyi nimire sabwina limwadivi' jamarila!

¹⁷ Yi dazah'risavina sariminyawinna Timotiri marayihyasaabwelyi. Sahwai Kiraazitiyarine nimire kaimiraayarina tewaanya nyivu'nadelyi. Naangerina limwannikelyi. Sahwai nimi Kiraazitiyari wlamwaaiheinyire tuta mididinyangi sarimire simunyavi ayahi maradihaa'bwata yihyathelyi. Anga yuyabanya yuya Kiraazitiyare kusilaanyaviya gazasavi nimi wijiwaakadinyabaabi' nimire sasare dazabwina yihithathelyi.

¹⁸ Sarimijiya pwara "Neminyawinna Poli mabi yaka maneyavada'galyi yadelyira," yawi'divitabaabi' pihadika yeva kunnya yaya munyaba makinyina yiswaasare.

¹⁹ Kiri' Naangei simunyavi sara yawiraja' sariminyawinna maalikegaa' bideinyi.

Bi'mava'muji pihadika yadivisaraavire yagaala sannaniku' yaamiji wi'nide' gave' mi'. Aawa. Kumire diraginya' yidakwasanganideinyi. ²⁰ Sare' darevinyi. Gotiyai nemaremwaadevi yune yagaala gave' kadika mu'nyadaanyi. Aawa. Diraginaange' yadengiji tinna wangadaanyaine. ²¹ Sarimi be yaawiabwina yihivu'nivani'? Dare da'na dahayihivu'niva'? "Yisari' neminyi yavada'gala neya'neri' limwagozi neminyawinna bathe'nanyi." Dara dahyawimwaa'? "Nemi saina kyavada'gainawaaji sahwai tinna nengada kale yada kwaamu'nanyabulyi neminyawinna bathe'nanyi."

5

Girikita'nanyabwi Koridi mwaalyaraavi warake'nesi.

¹ Nimi nebwina dara wi'niva. Koridi mwaalyara limwadivisaraavi girikita'nanyabwi warikesi. Yi nabaai girikita'nanya sa' nabinyabulyi. Yi sasare sabwi ajimya yuyangiyara mu'nyadivisara "Aala!" dadivi' yadivitabwi mi'. Sa' daresi. A'mwe pwai sarimijiyai ganimaangere a'mwe' maarina. ² Sarelyiyahi mwaalina yadivita kiri' "Nemirebwi tewaanya gavesira," dadivi' pihadika yadivi' sarinnya yaya munyaba yaasiwa'na makinadivisaihiyi. Sare' mipina! Aawa. Kayaa'nanya sabwi yagalya'ma'na yapi sarimi kinna dizila! Yi "Nemi sasare sabwi yade sari neminyawidaasi widasaana!" dapiji kinna dizila! ³ Sare' darevinyi. Nimi

sainyi sariminyi menyaba mwaaideri kiri' nimire simunya'na sarimiji mwaaidinyainyi mena maryawibwa'mwesi. Yi sariminyaba mwaaihebaaibi' yi a'mwei sarei dazabwina "Sai kayaa'na wagila yadelyi," dena tivi'na maryawibwa'mwesi. ⁴ Nimi tivi'na dara diwa. Naanga Jizaazai Kiraazitiyarine diraginyavi a'mwe dazari Saataanimina marimwangina jila! Yi sarimi yibwa'nawinadaapiyagaa' nimire kuryalyi nemire Naangei Jizaazare diraginyasi yihye'mwannamwaaladeihi

⁵ Saataanimire maremwaalyabanna a'mwe dazari marimwangina jila! "Gamire yawisa' yavada'galakoji Naangere yirikeriki Gotiyai a'mwe dazare kuryari padaihasamaarana!" dapiji dimarimwangyila! Saataani daanga wijaavadevidaa'nyi gamire kilaakejikiya yawisangi kayaaka yigalade'na duthaasila!

⁶ Sarimi Koridi mwaalyaihi sarinnya yaya munyaba makinadivi' "Nemi yida'nanyainera," dadivisaihilyira. Kiri' yaasiwa'na sasara dadivisa' nawinyabwi mi'. A'mwe dadivita dare'na myawirijivaniga! "Yiziya maalike' girikula yuyavina liwinya mimwadesi." Nabaai, sabaabi' kayaa'nanya wanganakipija sariminyi yunebanna nayihiladawaradika!

⁷ Sarimi "Biretiya gaala mudike'na yiziya maaya'neina mwalaana!" dapiji yiziya aya kigaasa nayaa dimarasinyila! Yi yiziya maayaihi mwaaihatabaabi' sara dimwaalyila! Sare' darevinyi. Yi Kiraazitiyai neminyine Pari'ma'munnevre sipizipiyai nemire kayaa'nanyabwi marasinya'nei balya'neri

tamiravetabaabi' neminyine'na mena balakevi mudikeihi dimwaalyila! ⁸ Sarevidaa'nyi nemi munnevi biretiya yiziya aya kigaasa maaya tika naana! Yi yiziya similika wilya'nesi yiziya wana kayaa'nanyasi tika manaanna! Aawa. Biretiya mamimwannyi'ke' nayaa naana! Yi daresti. Nemire simunyavi yida'nanyabwi yunebanna newarana! Nemi yagaala nebulya'nanyanna nayaa daana!

⁹ Pikariyikwiavi nimi sariminyi yihithave. Dara de. A'mwe a'mwengi ata limwadivisaraji nya'mwana madinyadivi' nye'mwannamwaaib+nera! ¹⁰ Nimi yuyaraavi wana yune nebulya' yagalya'mata'na majivanige. Yi a'mwe yuya Kwaaka davakiyara a'mwengi ata limwadivisaraavina dingaka? Tiganaaryaraji kuka yipalamaa'divisaraji saraavina dingaka? A'mwera kwaasiya gotiya yita, sila saraavirebwi mididivisaraavina dingaka? Yi sarimi "Sasare saraavi nebulya'na yagalya'mavaana!" dipija' yi sarimi Kwaakevakidaasi nayaa jahalya'mayideihi daaka! Yuya saraavina myihizivanige. ¹¹ Nabaai kiri' nimi yagaalyavi aaya kaavilya' yihithave! yi sa' daresti. A'mwe pwai kwai sarimi "Kiraazitiyarine neya'mwela!" dadivisari jahalya'mayila! Yi sarina a'mwengi ata limwadei dingaka? Sai tiganaaryai dingaka? Sai kwaasiya gotiya yita, sila saraavirebwi mididei dingaka? Sai biraiyagaala dadei dingaka? Sai nada yimaka widei dingaka? Sai gilyivita a'mwe pwaraavirengi mwagi'nadei dingaka? Yi sasarebura jajai sali sarimi

nya'mwana mye'mwannayipina! Tika wapaaya a'mwe sasarelyi mye'mwannanipina! 12-13 Sare' darevinyi. A'mwe mwasilaanyaraavi maryawibwarya'neinyi nimire wawinya' daaka! Sahwaraavi yune Gotiyaina maryawibwaradere. Kusilaanyaraavi sarimi maryawibwa'divisara midaaka! Yi sarimiresi. Dara dinikabaaibi' jila! "Sarimi sahiridaa'nyi a'mwe kayaa'nanyabwi yaderi dimarasinyila!"

6

Kiraazitiyar i limwaga'divisara kotiya marinipine'nesi.

¹ Sarimijiya pwai kwai sarimijiya pwar wija'na yagaalya' kininnakei Gotiyare tewaanyara yawibwarya'neraavi pari'ma'dei dingaka! A'mwe Gotiyarina yida'maraangera mamwaalyigasara mu'nyadivisaraayabanna kotiya' yaawadelyi. Sai sasare sabwina wagila muvwa'nyadei dingaka! ² "Gotiyare tewaanyara a'mwe Kwaakevakia yuyaraavire sabwi maryawibwaranganya'neraavi sahwai wimwaaihaderera," sarimi daza'na myawirijihivaniga! Nabaai divi sarimi a'mwe yuya Kwaakevakiyaraavi maryawibwapija' dahaa' yagaala maalika sarimijiyaremili' dzasare samili'na sarimi yiniga wi'na maryawibwapinehi daaka! ³ Yi "Nemi limwaga'daanyaina ejeliyaraavire sabwi kibulyi maryawibwaraadeinera," sarimi dazavi myawiryivanigasaihi daa! Yi sarevi dahaasagaa' nemire mwaalya davuriya

yagaalyangina nemi wi'na nebulya'na maryawibwaraanneine. ⁴ Yi sarevidaa'nyi mwaalya davuriya yagaalya' kininnakeihi mwaabizaihi yagaala savi mwasilaanyara maryawibwarya'neraavi nadahilakipidika! Kiraazitiyare kusilaanyaviyaihi yawi'na "Sahwaraavire kuryara bainkera waryaanyarera." Yi sahwaraavi sarimire kotiya'na be'na wimwaaihivanigataraavaka! ⁵ Yagaala diwe daza' kadika w'ni'pija' sarimirebwina wagila yihivwa'naja' yi sa' tewaanyasi. Sarevi sariminyidaa'nyi sirya'mwe saraari yagaalyavi yiniga maryawibwarannei aane pwai kwai midaaka! Simunnakei sariminyi tinnyaba mwaalikei pwai kwai midaaka! ⁶ Sarimi yida'nanyabwina mamidinivanga!. Aawa. Neya'mwe pwai neya'mwe pwari kotiya maryadelyi. Yi nabaai Kiraazitiyar' malimwagyadivisara kotiya maryawibwarya'neraayaba sara yadelyi. Tewaanyabwi daaka! ⁷ Sarimi saihi kotiya marinadivisaihilyi. Yi sasare saburidaa'nyi Saataan' yune yihithathiwamanikeihilyi. "Nemi kave baihana'na yadawaari kayaa'nanya' neya'mwe pwai kwai gaminna neyana!" maji baa'na yivaniga! "Baihana'na yadawaari nemire gilyivisa neya'mwei nemwagi'nana!" maji be'na yivaniga! ⁸ Sarimi sirya'mwerina yavada'galya'nebwi mabiramaarivanga!. Aawa. Yune sarimi saihina kayaa'nanya' yadivisaihilyi. Pwaraavi kayaa'na yibwaakya' yadivi' gilyivisa wimwagi'nadivisaihilyi. Yi sasare sabwi sarimijiya sirya'mweraavi dazahwaraavi

yadivisaihilyi.

9 Sarimi dathavina myawirijiwaa!
 “A'mwe kayaa'nanyabwi yadivisara Gotiyare
 maremwaaide' sa' maapi'dera mi'.” Akai,
 sarimi yune sarinnya simunyangina kwaasi
 nadakinipidika! Yi darebulyi. A'mwe
 yaasiwana maridaakunadivisaraji yi
 a'mwe kwaasi gotiya yita, sila saraavi
 mididivisaraji yi a'mwe pwaraavire a'mwengi
 ata limwadivisaraji yi a'mwera kayaa'nanya
 wagila wivwa'nya'ne a'mwe pwaraji
 ye'mwannayadivisaraji 10 yi kukeraji yi
 tiganaarya yadivisaraji yi biyaaya pin' nadivi'
 yimaka widivisaraji yi a'mwera a'mwe
 pwaraavi yagaibiraizika widangadivisaraji
 yi kuka yipalamaa'divisaraji a'mwe sasare yuya
 dazara Gotiyai maremwaaide' maapi'dera mi'.
 11 Nabaai sinnaw' sarimijiya pwara dazabwi
 sasara mwaalesaihilyi. Kuna kayaa'nanya sangi
 mamwaaipineihilyi. Aawa. Naanga Jizaazai
 Kiraazitiyarine yayaviji nemire Gotiyare Kuryai
 kwariji Gotiyai aalya mena yihyada gaminne
 tewaanyaihiri mena yihimwaaihada gaminyine
 yida'maraangeihiri mena yihithahilakakeihilyi.

Girikita'nanyaburinesi.

12 “Yuya yiwija nimi ya'neinyi
 kimaakiya madakinyikengi.” Kiri' nabaai
 nyimaremwaaloji yuya sa a'mweraavi
 w'gaimwade mi'. “Yuya ya nimi ya'neinyi
 kimaakiya madakinyikengireva.” Kiri'
 nabaai niminyi aane piri' kiri' yiwija'
 divi wila nanyiradika! 13 “Tika wapaaya

sa yi munyikinengi. Yi munyi' wapaaya maarya'niki.” Sare kiriv'i nabaai Gotiyai wapaayas'i nemire kilaakejisi yuyawaai yasi'nadelyi. Kilaaka saji'na yith+th+ma! Kilaakeji' yaasiwa'na maridaakunyina ya'nej'i m'i. Aawa. Saji' yune Naangerina widaaya'nejiki. Yi Naangei sai kilaakejikina maremwaalya'nelyi.

¹⁴ Gotiyai bainikeraayawidaa'nyi Naangeri yidikaavakelyi. Yi nabaai diraginya' yune gannyavina nemire kilaakejika baidezikaaviji avaala sasara neyidikaavadelyi. ¹⁵ Sarimi dara myawirijiwaa! “Sarimire kilaakejika yi Kiraazitiyare kilaakejikiya pimaginiyajikera.” Sarevida'nyi nimi Kiraazitiyare kilaaka pimaginiya piji' maara'muji a'mwe kwalawa' ganaangevine kilaaka pimaginiyaji' miwiridezi' daaka! Arikewinyi. ¹⁶ Aawa. Sarimi davi'na myawirijivaniga! “A'mwei a'mwe yaari'daa'ne sasi yiraku'nemwaaloji yi sai a'mwe saviji avaaikilaaka yima'nadelyi.” Sare' darevinyi. Gotiyai sare sa'na mena dara dakelyi “A'mwelyi a'mwesi sawaai kilaaka gave piji'na yima'nyikadezikira.” ¹⁷ Nabaai a'mwe pwai Naangelyi yiraku'nemwaalojiyai yi sai kuryai gave pwainanyai yima'nyikadelyira. ¹⁸ Kayaa'na girikita'nanyabwi sarimi yagalya'ma'na yapiji likaanya diwila! Wagila yuya pin'i a'mwera yipija, sa kilaakejiki mwasimaginyangi. Kiri' a'mwe yaasiwa'na maridaakunyina yadei yi sai gannya kilaakejiki kusawinyavi kayaa'nanyabwi wijaav+nadelyi. Sare'na sabwi mipinera!

19 Sarimĩ da'na myawirijiwaa! “Sarimire kilaakeji' yĩ Kurya Tewaanyai wĩlayihimwaalikere anga nawĩ'nyasi.” Gotiyarĩneba Kurya sai kininnakeihĩyĩ. Sarimĩ sahwaihi yune sariminyĩneihi mi'. 20 Aawa. Sare' darevinyĩ. Gotiyai nigwia naangesi sariminyĩ ayahi yihimubamaarakelyĩ. Sare'na sarinnya kilaakejikaavi Gotiyarĩne yaya' munyaba nayaa dimakĩlyĩla!

7

A'mwe kwala maarya'nebwinesĩ.

1 Dahaa' pikariyĩkwiavi sarimĩ yida'mwa'daata a'mweraavĩre mwaalyabwina nĩmi' dara ja'nayihithide'nanyi'. A'mwei a'mwevi' kwala mamaarya'ne' sa' yaasiwa' mwaalyabwi tewaanyasira. 2 Sare kirivi' dala pĩburana pĩburananya yaasiwa'na maridaakunanyinyabura a'mweraavi' kayaaka ya'nebura warĩke'na gazaizai gamĩ sarĩne gannya balaange' kininnakeinanyai mwaalana! Yĩ nabaai a'mwe gazasa' gannya a'mwei kininnake'nanya' mwaalana! 3 Gamĩre a'mwevi' kwala maaryabwine tivĩkisa' kwalaangei nayaa wĩjaavana! Sasarebaaibi' gamĩre kwalaangeri' tivĩkita sa' balaange' nayaa wĩjaavana! 4 Sare' darevinyĩ. A'mwe' yune gannya kilaakejikĩna maremwaaidezi' mi'. Aawa. Kwalaangei maremwaali'. Yĩ sasarebaaibi' kwalaangei gannya yune kilaakejikĩna mamaremwaalyi'. Aawa. Gamĩre a'mwe' maremwaali'. 5 Kirimĩ

sayoihi kwaiyagaala dadisabwi naw'i'nyabulyi. A'mweigi gi'nnya a'mwevi "Aala!" madinna! A'mwe'gi gi'nnya a'mweri "Aala!" madinna! Sara yikajavwi yi sa' kukebulyi. Kiri' pigaa'na piri' yima'nadehaa' dingaka? Kiri'mi sawaaihi avaaizimunya'na yakilyi kibawegaa' kirinnya kilaakeji' yitaata ji'nakilyi "Gotiyari wija'negaa' yune mwaalaka!" dakilyi geva geva dimwaalyideyoihilyi. Sa' wikira. Nabaai sara yakilyi d'idaa'nyi sayoihi kirinnya kilaakeji' ayahi jiraku'nemwaalyideyoihilyi. Akai, sara mi yakilyi kirinnya kilaakejiki' wi'na nayaa mamaremwaalyi yikaja' Saataani yaamiji yijiwaala nayihyadika! Nabaai sarevi ata limwangebwi nyikadika! Sare'na Gotiyari mi'na widadilyi ayahi jiraku'nemwaalyideyoihilyi. ⁶ Diwe sa' kiwinya'bita' mi'. "Sara jila!" madakyivanige. ⁷ Kiri' "A'mwe yuyara nimi yadinyabaaibi' mwaai'bi' de' tewaanyasi," simunya yawi'manige. Sara nyivu'nivani'. Sare kirivi Gotiyai tewaanya sihumale dala pininna pininnanya yanga wijaavakengi. A'mwe gazaizai Gotiyarina gannya sihumale' kininnakelyi. Pwarina a'mwe' kininnakei mwaalya'nebwi wijaavakesi. Pwarina a'mwe' maayai mwaalya'nebwi wijaavakesi.

⁸ Kwala mamaaryaraji yi a'mwe yaanyiwaakemilikaji sangi nimi dara diwa. Sangihi nimibi' kwala mamaaryaihi mwaai'za' yi sa' tewaanyasi. ⁹ Kiri' kunnya kilaakejis' simunyasi nayaa mamaremwaalyipija' yi kwala maarina yipika! Sare' darevinyi. Yaasiwa' mwaalina yapiji kumire munyi' dika

widathe' kayaa'nanyasi. Yi kwala maapija' sa' naw'i'nyasi.

¹⁰ Kwala maaryaraji kwala maa'nyaji sangina nimi kiwinya datha' wijaavima! Kiwinya sa' nimire'na mi'. Aawa. Kiwinya sa' Naangeresira. Sa' yi dare'na “A'mwe' gannya kwalaangeri myagalya'mavanna!” ¹¹ Kir'i' a'mwe sa' gannya a'mweri mena yagalya'mavaja' yi daza' yaasiwa' mwaalina yade' dingaka? Gannya a'mweryawinna ayina wawoji kwalaangelyi avaaimumyina ayina ye'mwannamwaalyikade' dingaka? Pibwi aawa. Nabaai kwalaanga kwalyi gannya balaangevi mudaasanna!

¹² Nabaai kwaala piyuraavi nimi sainyi dara diwa. Yagaala sa' Naangei widaka' mi'. Nimiresira. Yi Kirazitiyari neya'mwe pwai kwai, yi gannya balaange' Kirazitiyari malimwagyade' kininnakei mwaalajai yi a'mwe sa' “A'mwe salyi kuna ye'mwannemwaalima!” daza' yi neya'mwe dazai a'mwe sa' malimwagya'na savi myagalya'mavanna!

¹³ Nabaai a'mwe pir'i' gannya kwalaangei Kirazitiyari malimwagyadei kininnakei mwaalaja' yi a'mwe sai “A'mwe sasi kuna ye'mwannemwaalima!” dazai yi neya'mwe daza' a'mwe sai malimwagya'na myagalya'mavanna! ¹⁴ Sare' darevinyi.

A'mwei Naangeri malimwagyada gannya balaangesi ye'mwannemwaalajarina balaanga sa' Gotiyare tewaanya' mwaalake sasare savi kirimire mwaalyabwi tewaanyabwi yima'nake! Gotiyai tinna wangadelyi. Nabaai a'mwe' Naangeri malimwagyada gannya kwalaangelyi

ye'mwannemwaaalajavina neya'mwe sai
 Gotiyare tewaanyai mwaalake sasare sav
 kirimire mwaalyabwi sabwi tewaanyabwi
 yima'nake! Gotiyai tinna wangadelyi. Sare!
 mi waraji kwaji yi sarimire kaimiraaya
 girikita'nanyara kamwaaibithi!. Kiri!
 tewaanyara Gotiyareraavi wimwaaiahaderera.
 15 Sare kirivi a'mwe pwai a'mwe kiri!
 Naangeri malimwagyada gannya a'mwe
 pirivi a'mwe kwari yagalya'mavaja' yi
 sa' wikira. Yagalya'mavana! Sasarebwi
 yima'najavi neya'mwe pwai neya'mwe
 kiri! yaasiwa'wawinya'bisavi mamwaalyi!.
 Aane piril kiri! wila myiryinikesi.
 Kwaamu'nanyaburi mwaalya'neihiri Gotiyai
 sariminyi jaka yihizivwaramaarakewinyi.
 16 Sare' darevinyi. Sarere balaange'gi,
 nebulya'na gara yawi'manigi! "Ninnya kwalaangeri
 yiniga padaihasamaaride'nyi dingaka?"
 Sa' myawirivanigi. Nabaai kwalaangeigi,
 nebulya'na gara yawi'manigi! "Ninnya
 balaangevi yiniga padaihasamaarideinyi
 dingaka?" Sa' myawirivanigi. Sare'na
 madahalalimwadinna!

17 Sare' kiri! Naangei gazarizari yanga
 mudakabaaibi' yi sahwai sara mwaaidi'nyiyavi
 Gotiyai jaka wijivwaramaarakegaa'
 mwaalakeburu yi sai yune sahirisavina
 kuna yamaryana! Yuya Kiraaзитiyare
 kusilaanyangiyaraavi nim kiwinya sara
 wakadinyainyi. 18 Dara diwa. A'mwe pwai
 kwai kilaakeji' gurya davesarina Gotiyai jaka
 wijivwaramaaraiki dingaka? Sahwai gannya

kilaakeji' ayahi mamariwibwa'nanna! A'mwe pwai kilaaka gurya mada'nyinikeri Gotiyai jaka wiji+vwaramaaraakei dingaka? Sahwai gurya da'nikei mima'nanna! ¹⁹ Kilaaka gurya daya sabwi, yi sabwi gevulyi. Yi kilaaka gurya madaya sabwi, yi sabwi kibulyi gevulyi. Aawa. Gotiyai Kiraazitiyarine yagaala wakake midinyabwi yi sa' naangaangebulyi. ²⁰ A'mwe gazaizai wawinya pirivi mwaaideri yi Gotiyai jaka wiji+vwaramaaraakegaa' sai sahirivi yinahu nayaa mwalibainyina yana! ²¹ Yaasiwa'wawinya widaayadinyaiigi mwaaida'gizi Gotiyai jaka gizi+vwaramaaraakeigi daaka? Dazavina gim'i simunya' taanga maginanna! Aawa. Kiri' yaasiwa'wawinya widaayadinyai' yagalya'maya'ne' tusa' kininnakeigi yima'nija' yi tuta dazavi midinna ji! ²² Sare' darevidaa'nyinyi. A'mwei yaasiwa'wawinya widaayaderi Naangei jaka wiji+vwaramaaraakei yi dahaa' Naangere tewaanya mwaaidelyi. Yi Naangeri tinnyari sai kayaa'nanyabwine yaasiwa'wawinya ayahi widaayadei mi'. Sasarebaaibi' a'mwei tewaanya mwaalina, yaasiwa'wawinya mudayadaawori Naangei jaka wiji+vwaramaaraakei yi dahaa' Kiraazitiyare yaasiwa'wawinya widaayadelyi. ²³ Gotiyai nigwia naangesi ayahi mena yihimubamaaraakeihilyi. A'mweraavire yaasiwa'wawinya widaayadivitaihi mima'nipina! ²⁴ Nya'mweihi, gazaizai wawinya pirivi mwaaideri jaka wiji+vwaramaaraakei yi sai wawinya' yune sahirivina Gotiyalyi mwaalana! ²⁵ Nabaai sidiraaya kwala mamaa'nyangine!

nyida'mwa'daasa'na dīma! Nīmī Naangere kīwīnya sarevīne' kuneinyī. Sare kīrīvī nīmīre sīmuniyavīna yawībwarīde'nanyī. Naangei nīmīnyī kale tewaanya nyada yī nīmīnyī yīnīga wī'na nyada nebulyabwī līmwaga'dīnyainyīre yagaala nyu'nīpīneihīlyī. ²⁶ Sarevīdaa'nyī dara yawī'mwa. Dahaa' dathahaasagaa' taanginya warīkevi kwala mamaarya sare sabwī tewaanyabulyīra. Yī dahaa' sarīmī mwaaihatabaabi' kuna dīmwaalyīla! ²⁷ Yī gīmī a'mwe' kwala tīvī'na maaragīnyaigi a'mwevī yagalya'maya'ne'na tusa'na bīrībīrya minna! Yī gīmī kwala mamaaryaigi a'mwe' kwala maarya'na myawī'dīnna! ²⁸ Kīrī' gīmī a'mwe' kwala maa'dīza' sa' kayaa'nanyabwī jītheigi mī'. Nabaai sīdīraaya' kwala maa'naja' sa' kayaa'nanyabwī yade' mī'. Sare kīrīvī “A'mwe kwala maa'napījī yī sahīyuraavi Kwaaka davakī taanginya nyīma'nadīka!” dena sarīmīnyī yīhivainya'neinyī dīwa. ²⁹ Nya'mweihī, sarevīna nīmī dara dīwa. Yīrīkerī' yīma'nadehaa' maalīkegaa' yesīma'nīkegaaki. Yīrīka dathahaa' kuna warī'. A'mwe pwara a'mwe kīnīnnakera kumī a'mwe maayarabī' Gotīyarīna sīmuniyavī yuneba nayaa yīpīka! ³⁰ Nabaai a'mwe kīnna dīvanīgasara kīnna majīvanīgasarabī' Gotīyarīna nayaa wīdaayīpīka! Nabaai a'mwe yīlaaya yīvanīgasara yīlaaya myīvanīgasarabī' Gotīyarī' nayaa wīdaayīpīka! Nabaai a'mwe gīlyīvīta mubamaa'manīgasara kumī gīlyīvīta maayarabī' Gotīyarīna nayaa mwaaibīka! ³¹ Yī a'mwe sahwarā Kwaakevakīneburana yadīvīsara yuya sahīnīngī

yune'na mamarayipina! Sare' darevinyi. Kwaaka dathavakine yuya warike daza yiwivanikengi. Sarevadaa'nyi yawita kwalaalya yawi'divisaihi mamwaaibina!

³² Nimire simunya sariminyine yi darengira. Yuyangina simunya kwalaalya myawiryadivisaihi dimwaalyila! A'mwe kwala mamaaryai sai Naangere sabwina simunya nayaa yawi'delyi. “Naangeri wivu'nivanika sabwi yima!” dadelyi. ³³ Kiril a'mwe kwala tivi maarakei sai Kwaaka davakine saburana simunya kwalaalya yawi'delyi. Yi “Nimire a'mweviji wivu'nivanika sabwi yima!” dadelyi. ³⁴ Sarevadaa'nyi gamire simunyabwi milikita yadewaalyi. Yi Naangerinaji gamire a'mwevinaji yuyawaarina yawi'delyi. Nabaai a'mwe' kwala maaa'nyasi sidiraayas Naangere sabwina simunya nayaa yawi'disawaalyi. “Nimire kilaakejikiji nimire kurya kwariji tewaanya! Gotiyare' yuna mwaalya'ne' sara yima'nana!” dadi' sara yawi'disawaalyi. Kiril a'mwe kwala tivi maa'nike' sa' Kwaaka davakine saburana simunya kwalaalya yawi'desi. Yi “Nimire kwalaangeriji wivu'nivanika sabwi yima!” dadesi. ³⁵ Nimi yagaala divanige datha' yi sarimi tewaanya mwaalya'nevi yihigaimwagya'nesi. “Kwala maaryabwina sariminyi nyigidiravemwaimudika!” dena yihithiwa. Aawa. Sarimi nayaa yida'na mwaalya'nesi. Yadvil yuyagaa' Naangeri duthaayide'na sarimire simunyangi piniji piburaji yaasiwa' mwagi'namarya yihyadeihi

mí!

³⁶ Kirí! a'mwe pwai gamire sídiraayavina dara yawiraja! “Ními kwainyíne sídiraaya! dahílakíníkeví yída'nanyabwi mivanígeinyí. Yaasíwa'na mwaaiheinyí,” nabaai sahwei yune mígínya naangei mena yíma'naja! yí tusa! gamínyíne píri! minyadori gamí sara wanganaja! yí sai gannya símunyaburí mídínana! Sareví gamínyí kayaa'nanyabwi mí! Kwala maa'nyína yíka! ³⁷ Kirí! a'mwei gannya símunyaví díragínna yawí'da sahwarí “Yarala! Sara ja!” wíja'ne mwari yada gannya símunyaburí gamí sai yíníga wí'na maremwaalannei mwaaida yí sai gannya símunyaví tívi'na dara yawíramihakada “A'mwazídíraaya níminne dahílakíníka sa! yaasíwa! saba kuna mwaalana!” yí sa! tewaanyasíra. ³⁸ Sareví a'mwei gannya a'mwazídíraaya! maaraja! yí sai tewaanyabwi yadelyí. Nabaai a'mwei kwala mamaaryajai yí taangínanyagaa'na sai tewaanaangebwi yadelyíra.

³⁹ A'mwe kirívíre kwalaangei gaala kuna mwaaidori yí sagaa! a'mwe sa! gannya a'mwelyí yíraku'nemwaaidesí. Kirí! gannya kwalaangei se kabalojí a'mwe! ayahí píri! yíraku'nemwaalanne! mí! Sa! “A'mwe pwari kwala maa'níma!” dozí yí sa! kwala maa'nyína yade'na mwaaladesí. Nabaai sare kirí! mwasílaanyarí maaa'nanna! Naangerínerí kwala maa'nana! ⁴⁰ Kirí! sabwina ními sainyí dara yawí'maníge. Taanginya neyívaníke'na sa! yaasíwa! kuna mwaalína

yaja' yi gami yilaaya naanga yada tewaanaanga yinike' mwaaladesi. Nim# Gotiyare Kuryai kininnakeinyi. Yi nim# kwainyiji Kurya Tewaanyai wilanyimwaalikeinyi diwa.

8

Miwisa kwaasigotiyari, yitazilyaraavi tamawjaavadivisaburinesi.

¹ Kwaasigotiyaraavina mubithika tamira'divita miwita pimaginyangina, nyida'mwa'daasangina, ja'nawidima! “Nemi yuyaina simunya' kininnakeinera,” yawi'daanyireva. Yi simunyabwina pihadikebwi yada yaya munyaba makinyaburi neyidikaadesi. Kiri' nabaai kale neyabwina kuryaraavi yivaimwadese. ² A'mwe pwai kwai gannya yaya' munyaba makinada dara yawirajai “Yi pir'i' kiri' nim# simunya mena yawi'nikeinyira,” yi a'mwe sare simunya yawisa nayaa yawirya'nei Gotiyai sara dakadevaaib'na myawiryadelyi. ³ Kiri' a'mwe pwai kwai Gotiyarina tewaanya wivu'najai yi sarina Gotiyai dara yawi'nikelyi “A'mwe sai wavila'dei nimirelyi.”

⁴ Sarevidaa'ny# sasare miwita tika nya'ne sabwina yi kwaasigotiyaraavina tamira'divita miwita pimaginya tika nyabwina nim# dima! Nemi dara yawi'daany#i. Kwaakevak#i kwaasigotiya aane pwai kwai mamwaalyi'. Sa' yaasiwa' saba sana yav#karidaakwia yaasiwa'nanyangi. Sarevi yi gotiya kwalaalyara mi'. Aawa. Gotiyai gave pwainanyaina

mwaali'. Pwara mi'. ⁵ Sare' darevinyi. Sigunya pirivi Kwaaka kivaki kwalaalyanna Gotiyari mu'nyadivisara "Yi sahvara gotiyarera," dadivisa mwaaidivisangira. Yi gotiya kwalaalyaraji maremwaaidivita kwalaalyaraji mwaaihata ⁶ kiri' nemi Kiraazitiyareina dara yawi'daanyi. Neminyine Nimwai Gotiya yune gave pwainanyai mwaali'. Sahwai yuyangina aaya kaavilyalyi. Yi nemi gaminyineina mwaaiho. Nabaai Jizaazai Kiraazitiyai Naanga yune gave pwainanyai mwaali'. Sahwai yuyangi wakyakelyi. Yi sahwai nevadaihasamaarakeinera. Yi sahwaru nemi gaalyabwi kininnakeinera.

⁷ Kiri' nabaai a'mwe yuyara pwaraavi Kiraazitiyareraavine simunya daza' muwarikesi. Pwara kigaa' mwalyaasaburina sinnawinya kwaasigotiyareburu midinibainesare. Sarevi sahvara kuna yawi'divisare "Miwita da' kwaasigotiyarine yidika yivanigasa' nebulya'nanyasira." Sara dadivi' kiri' miwita sa tika nyina yivanigasare. Kumire simunya waryaanya' yune nayaa myawiryada sara nadi' simunya kwalaalya yawi'divi' kumire simunyai dada "Kwaasigotiyarine miwisa' gimire yiwetawakya sanna yiwaa," kumire simunyai girikebwi maa'manikerera. ⁸ Kiri' tika wapaaya nya'neina neminyi Gotiyarina gidikusaba nemakwode mi'. Tika wapaaya sa nemi nya'na Gotiyai simunya kwalaalya yawi'dei mi'. Nabaai nemi tika manyaaja' yi nemi Gotiyare tinnyari kayaa'na mwalaadeina mi'. Yi nemi tika

naaja' yî nemi Gotiyare tinnyari nawî'nya mwalaadeina mî'. ⁹ Kirî' sarîmî mala nayaa jîwannyîla! Akai, sasare sabwi sarîmîre diragînya' waryaanyaraavî nyadî'de'na sa' a'mweraavîre sivilyangî wirinadaasi diragînya mi yadivî' yî sahwara wagilyavîna walaraawîna nyîpidîka! Sare'na mala nayaa jîwannyî! ¹⁰ Sare' darevînyî. A'mweigî simunya' kinînnakeigî, yî gîmî kwaasîgotîyarîna yî'bwa'nemwaaidivîsabanna mwalaawîja' mîwîta nadaa'gîzî yî a'mwe pwai kwai gamîre simunyai waryaanyalyiyai sai gîmînyî gwanganaja' yî sare sa' kwaasîgotîyarîne tîka sa nîja savî gamîre simunyarî yîdîkaata jîthei daaka! ¹¹ Sare' darevînyî. Sarei pîbwi yawî'dei kirî' tîka naja'na yî gîmîre simunya diragînya sa' a'mwe sari, diragînya maayarî kayaaka jîhaidelyî. Yî sai neya'mwe dazarîna Kîraazîtiyai mena balakelyî. Yî dazahwarî padaihasamaarya'nei mena balakelyî. ¹² Neya'mweraavî kayaa'nanyabwi dazara yapîjî yî kumîre simunya waryaanyai yaderî jînga tamajîrakapîjî yî sasare saburî Kîraazîtiyarîjî kayaa'nanyabwi sara jidelyî. ¹³ Sasare'na tîka wapaaya nya'nebwi nîmînyî nya'mwerî wagilyavî walamarakaja' yuyagaa' aaya yîwawajahaa'na mîwîta sa tîka manîwîna! Arîkewî. Akai, nîmînyî nya'mwerî mi yîwîja' sai wagilyavî nalaraawadîka!

9

Apozeliyaraavîre diragînyajî yîpînejî

sang#nesi.

¹ Sareiny# Poliny# K#raaz#tiyar#na aane p#ri# k#ri# w#la ny#pwi#yadeiny# daaka! N#mi# Apozeli#yainy# midaaka! J#zaazar# nem#re Naangeri# tinna mena wanganeneiny# midaaka! Naangeri, n#mi# waw#nya yev#daa#ny# y# sar#mi# gam#reih# midaaka! Sare#na a#mwera n#mi#re si#munyav# y#ide# madahalany#li#mwab#neiny#.

² A#mwe pwara n#mi#ny#na yaw#d#v#ki# “Sai Apozeli#yai m#ka!” K#ri# n#mi# d#wa “Ges#ra.” Aawa. Sar#mi# n#mi# Apozeli#yainy#na ti#vi#na nyaw#ramaa#d#v#ki#. Sare# darev#ny#. Sar#mi# Naangeri# w#lamwaa#hasa# y# sa# d#rag#nna dara w#j#waa#nyasi#. Sar#mi# n#mi#ny#ne# Apozeli#yaraav#re yav#kwaj#kes#yaih#ly#ra. Y# “Naangei ny#dasaawadeiny#,” neb-ulya#nanyaih#ly#.

³ A#mwe pwara n#mi#re waw#nya#na koti#ya maanga d#d#v#saraav# n#mi# kum#re yagaalyang#na ja#naw#dad#nya# dares#ra.

⁴ Nemi# Apozeli#yaina nem#ny#ne waw#nya#na a#mwera ner#v#k#ri#ya#neraav# wapaayaji# aalyaji# maraannenna y#daanganya#ne d#rag#nya# kin#innakeina midaaka! ⁵ Apozeli#ya pwaraji# Naangere gahwaalaangeraji# Pitaly# sara kum#re balaange neya#mwe K#raaz#ti#yareji# ye#mwannayamarivan#gatabaabi#

d#negaimwagyide#na nemi# sara yaanne# d#rag#nya# kin#innakeina midaaka! ⁶ N#mi# gaveiny#ji# Baanavaazaly# sainaai asasi# waw#nya# yagalya#mavakwoih#ji# sar#mi#re n#gwia maarakane# d#rag#nya# kin#innakeinaai midaaka!

⁷ Aamiyav# mwaaidehaa# aaw#lasai gannya

nigwiaji gilyivisaji biramaa'de bewalaka! Pwai wapewawinya burida gannya tika wapaaya pimagina mamaranyade be a'mwelaka! Pwai bulimakaawoyang maremwaaida gannya maremwaidengire aamunya pimagina manyade be a'mwelaka! Sabaai' nimir wawinya'na maa'mujavwi nawi'nyabulyi.

8 Sarengina nimiti a'mweraavireburaavina mididi dahathivanigena. Yi nabaai Kiwinya kiri' sara madinyike' dingaka! 9 Yi sare' darevinyi. Ne Mozizare Kiwinyavi dara yida'nikesi. Bulimakaawoyara witzila bwalaraawina ya'nera wityang' sivila lilivivainada'daapi tika manya'neraavi maangevi wila mavwiyin'nera! Sare' jaakega' simunya' yune bulimakaawoyaraavina yawiryaa'kei daa'! 10 Aawa. Yi nemi kwainaavinaji yune dirag'na dakakei daaka! Yo, neminyine'nanyi. Sare' darevinyi. Pikarya sa' dinike' nemi dara yawiranganya'nanyi. A'mwei wawinyavi likilikya yadaaworiyalyi yi a'mwei tika wapaaya mya mena yinnike maarojyalyi saraai dara yawirikaja' "Ninnya wapaaya pimagina nimityine maarya'neinyi wawinya yima!" 11 Neminyine' dare'nesi. Nemi sarimire simunyangi Kuryarena yihiburidovaai' kuryaraaviya tewaanyanna yihimakabyo. Sarevi tivikisa'na sarimi neminyi kilaakejikiya negaimwagya'neihi mari'bwarakaajavaai' gilyivisa nejaavipine' naange' daaka! 12 A'mwe pwara gilyivisanna sariminyi yihyidaangadivita diraginya' kininnakera mwaihasa'na nemi sareina

sinnawi yihyoina naanga yiniga maraanneina daaka!

Sare kiri' gilyivita daza nem+ yiniga wi'na maraannengi+ sare nem+ mamaaryagongi+. Aawa. Nem+ dara do. Nem+ny+na pwai kwai nyawiradika! “Polimiva nigwia mwagi'namaarya'nera Kiraazitiyare yagaala tewaanya' nyidadivisarera.” Sarevidaa'ny+ yagaala sa'na “Aala!” di+ma! “Yi yawita savi tusa' kaanya tih+raana!” dona negainadennaji taanginya pin+inna pin+innanyannaji dirag+inna daako. ¹³ Ay+na yihith+ma! A'mwera Gotiyare Angevi wawinya yadivisara Gotiyare Angeviya wapaaya maa'div+sare. Kwaraanyaba Gotiyarina mubith+ka yira'div+isavire wawinya yadivisara saviya miwita pimaginya maranadiv+sare. Yi sarimi dazavina myawirij+vaniga! ¹⁴ Sasarevidaa'ny+, nabaai Naangei kiwinya da' wakakesi. A'mwera yagaala tewaanya' wiji+waakadiv+isaraji yagaala sa' maa'man+gasaraavi gilyivita kilaakejiki gaimwagya'ne maap+ka!

¹⁵ Sare kiri' n+mi diraginya aane piri' kiri' marayadinyainyi+ mi'. Sariminy+ myihidaanganye. Yi nabaai “Dahaakigaasi sariminy+ pin+ sara maar+ma!” dena yagaala daza pikarya miday+wa. Aawa. Sare' dareviny+. Nimi mamaarya'na yilaaya yivanigeiny+. “A'mwe pwai nimire yilaaya yadinyavire aaya kaavilya' namarasi'nadika!” dadi mijike'na mena balide' yi sa' naw+'nyasi. Kiri' yagaala tewaanya' wiji+waake'na tivikita maa'muji kwaji sa' nimire yaya munyaba makinyabwi

kayaaka kigaladike' yi sa' kayaa'nanyasi.
 16 Sare' darevinyi. Nim+ yagaala tewaanya'
 wijiwaakadinya'na nim+re yaya' munyaba
 makimujav+re aaya kaavilya' mwari'. Sare'
 darevinyi. Sa' muj+waakya'ne' tusa' pir+' minyi'.
 Aawa. Naangei waw+nya sa' nyakakeinyi.
 Sare' darevinyi. We! Yagaala tewaanya'
 muj+waakiwija' kale nyadeinyi. Yi sara
 my+wija' wana kayaa'na mwaal+deinyi. 17 Sare'
 darevinyi. Nim+re simunyavidaasi waw+nya
 daza' y+wiji kwaji yi nim+ tivikita maarya'neinyi
 kyidaangamudika! Kiri' waw+nya daza' nim+re
 simunyavidaasi mivan+geinyi. Waw+nya
 sa' ya'neinyi Naangei kanyidahlaka' sara
 yivan+geinyi. 18 Sarev+daa'nyi nim+re tivikita
 berivaka! Nim+re simunya' "Gimi yad+nya'
 tewaanyasi," divan+ke tivikita daresi. Yagaala
 tewaanya' wijiwaakad+nyav+ne gilyiv+isa yiniga
 wi'na maa'muneinyi yi sa mamaari yad+nyainyi.
 Yagaala tewaanya' wijiwaakad+nyav+re
 dirag+nya kin+nnakeinyi kiri' sare' "Aala!" dena
 "A'mweraavi yagaala sa' yanga wijaav+deinyi,"
 dena sara yiwa. Yi sara yad+nyav+ne yawita
 daza' nim+re kuryar+ne tivik+isasi.

19 Sare' darevinyi. Nim+ tewaanya
 mwaiheinyi. A'mwe aane pwai
 kwareinyi mi'. Sareinyi kiri' yuyaraav+ne
 yaas+wa'waw+nyainyi sara wak+neinyi. "Yi
 a'mwe Gotiyar+ne kwalaalyaraavi naanga
 mijama'muma!" dad+ sara yad+nyainyi.
 20 Sarevi yi "Juyaraavi maar+ma!" dad+
 Juyaraav+re tinnyari kum+rebwina Juyainy+bi'
 mwaale. Nim+ sainyi Moz+zare Kiw+nyavi

kwaakewi mula'narige kiri' "Kiwinyavi kwaakevi mwaaihasaraavi maarima?" dadi sahwarayaba Kiwinyavi kwaakewi wila'mwaaiheinyibi' yima'naweinyi. ²¹ Sabaabi' nimi Gotiyare kiwinya' maayinyi mi'. Aawa. Kiraazitiyare kiwinyavi kwaakewi wila'na'dinyainyi. Sareinyi kiri' a'mwe Kiwinya' maayaraavire tinnyari mwaaidi "A'mwe Kiwinya' maayaraavi maarima!" dena nimi sainyi a'mwe Kiwinya' maayinyibi' yima'neinyi. ²² "Nabaai a'mwe diraginya maayaraavi maarima!" dena sahwarayaba nimi diraginya maayinyi yima'naweinyi. Nimi a'mwe yuyaraayaba sahwaravirebura yadi "Pwaraavi padaihasamaarima!" dena tutaanya yuyangi yaamiji yadinyainyi. ²³ "Yagaala tewaanyaviya nawi'nyaburaavi a'mwe pwaraji ye'mwannamaarima!" dadi yagaala tewaanya savina yuya daza yadinyainyi.

²⁴ Sarimi daviina myawirijivaniga! Gavamarasi'nyikaanyabanna a'mwe yuyara sara kaanyave'na wodivita kiri' gave pwaina wavila'nikere' maa'delyi. Kaanyave'na wodei kaanyave'na nayaa diraginna wodevaabi' "Gotiyari wavila'nikere tewaanya' maraana!" dapiji kaanyave'na diwila! ²⁵ Yi a'mwe gazaizai gavamarasi'nyikaanyangina "Wavilavima!" dada kilaaka diraginyaji' yima'nya'nei yuya kilaakejikiya sabwi walamarakadelyi. A'mwe dazai tivikita kayaaka yigainade'na "Maarima!" dada sasara yadelyi. Nabaai kiri' nemi tewaanaange' kayaaka minyade' maarya'neina kwaasi kwaasi yaadeina daaka!

26 Sarevina nimi sainyi yaasiwa' marangana-
 marya myadi kaanyave'na wodinyainyira.
 Gavamarasi'nyiramyavi asa gwaamwada asa
 yihusavi yaasiwa' malivaramamaryadevaabi'
 Gotiyarina diraginna yadinyainyi. 27 Sara
 yaasiwa'na myadinyainyi. Aawa. Nimi
 kilaakeji' nayaa diraginna ya'nejisi malya'
 nebulya'na tadinyi. Nimi kilaakeji'
 nimi kuryare yaasiwa'wawinya yadei
 yima'nya'nejiki diraginna walama-
 rakadinyainyi. Akai, a'mwe pwaraavi
 wijiwaakadi "Kiraazitiyareihi yunebanna
 diraginna limwagarapiji wawila'nikere
 tewaanya' Gotiyare' dimaaryideihilyi,"
 wijiwaakadinya kiri' kanyawiranganaji
 mamaari nyiwidi'de'na nimi kilaakeji'
 diraginna walamarakadinyainyi.

10

*"Nemi yijiwaalyaburi nalarawaadika!"
 dinike'nesi.*

1 Sare' darevinyi. Nya'mweihi, yagaala
 dangi sarimi navika ya'na nimi simunyavi
 "Aala!" diwa. Yuya nemi aataravaavi Ne
 Mozizai Kwaaka Yizipidaasi makabadaa'nyi
 sahvara yiraaya' maremwaalakevi kwaakewi
 wila'divi' kaanya yamaryesare. Yadi'vi'
 yuyara yune sivi'yajina saalaalyavi tewaanna
 wilaawesare. 2 Sara yadi'vi' yuyara sahvara
 bavitaaziya' maaresare. Yiraaya saviji saalaalya
 saviji sawari yi bavitaaziya daza' Mozizalyi
 ye'mwannamwaalya'ne' wakini'kesi. 3 Yi

yuyara sahwara wapaaya Gotiyare Kuryai wjavadaasiya nesare. ⁴ Yi yuyara sahwara aalya Gotiyare Kuryai wjavadaasiya nesare. Sare' darevinyi. Sahwara Kuryare aalya' silaangeri nyina. Silaanga sahwari Gotiyare Kuryai wjavadaasiya silaanga sai kuminyi midinna yada yi sai Kiraazitiyalyira. ⁵ Gotiyai nawi'nya yada sare kiri' kumirebwina sahwai kuminyidaa'nyi kwala naangevaaki yilaaya mwigalya'. Sare' darevinyi. Kwaaka a'mwera maayavi saba gazabazaba balesare.

⁶ Yi yuya daza neminyine ke'ba'nanya yima'nakengi. Kuminyi kayaa'nanyabwina sara wivu'nakabaai' neminyi kayaa'nanyabwina nevu'nadeina kyima'naadikevi ke'ba'nanya yima'nakengi. ⁷ Sahwaraavi tinnyabanya pwara yetabaai' sarimi kwaasigotiyare sabwi mamidibina! Yi sahwaraavina dara dinikabaai'sasi. A'mwera tika munne wapeyidika naanga savi walamwaaidivi' tika wapaaya aalya nadi'vi' kwaasigotiyarine yilaaya'na kwarama avaanna girya'nera daavesarera. ⁸ Sahwaraavi tinnyabanya pwara yetabaai' nemi kayaa'na girikita'nanya sabwi myaanna! Yi Gotiyai sinna tika wida'daa'nyi yirika gave piriki sarera kwala naangera 23,000 saba sana balaramarina yesarera. ⁹ Nabaai sahwaraavi pwara “Kwaamu'na kuna mwaaladei dingaka!” deva Naanga kwari yijiwaaletabaai' sari yune yijiwaala myaanna! Sareraavi kamaalyara tika davi'na kye' sahwara saba sana yu'daramarina yesa'nanyi. ¹⁰ Nabaai sahwaraavi pwara kinimyagaala detabaai'

sarim# Gotiyarina maamayagaala madipina! Sareraav# ejeliya a'mweraav# tamakadei karamaka' y# sahwara saba sana yu'daramarina yesa'nany#.

¹¹ Yuya daza ke'ba'nanya yaw#rya'neinaav#na kigaakuna a'mwe sahwaraav# y#ma'nakengi. Kayaa'nanya avaalya nyaadi'de'na nem#ny# simunya nejaaya'ne yagaala daza Gotiyare bukuyav# y#da'n#kengi. Y# yuya kigaasa mi'nany#. Nem#ny#na d#vidaa'nyainaav#na dahaa' mwaaihoinaav# dazagaasa aaya kaav#lya ney#ma'nakeinera.

¹² Sarev#daa'ny# a'mwei gam# sai yaw#man#kei "N#m# sainy# d#rag#naangeiny#. D#rag#nya nayaa yad#nyainy# daa'd#nyainy#." Sai kayaa'nanyabur# nalaraawad#ka! Sai nayaa mala y#wannana!

¹³ Yaam#j# y#j#waal#yabwi y#hima'naabadevwi y# sa' mud#ka pir#l'bita' m#'. Aawa. Sa' avaainanya' a'mwe yuyaraav# y#ma'nadevaab#sasi y#j#waal#ya'. Y# y#j#waal# sav#na Gotiyai gannya nebulya'nanya d#rag#nya' m#d#dely#. Sahwai limwaga'dely#. Sahwai sar#m#re d#rag#nyav# nay#hwav#lavadi'de'na y#j#waal# pir#l' wanganakadei m#'. Aawa. Y#j#waal#yabwi sar#m#ny# kay#hima'naaboz# y# sar#m# sav#na d#thath#valyide'na gaimwanga y#hya'ne tusa' Gotiyai b#ryakadely#. Tuta daza' y# sa' dare'na. Sahwai d#rag#nya pada'galay#vaimwanga y#hyadely#. Y# sar#m# y#j#waal#yabur# d#rag#nya y#n#ga wi'na d#thaayideih#ly#.

Kwaas#got#yaraav#re t#ka munnes# Naangere nadaanyas# sawaar#nes#.

14 Nya'mweihiriina tewaanya nyivu'nadeihi, sasarev+daa'nyi kwaasigotiyare sabwina likaanya diwila! Bule'na duzaayila! 15 Sarimi simunya' kin+nnakeihiri dara yith+thivanige. Sareihi nimire yagaala kwaasigotiyare yilaayavina nayaa dimarayaw+bwarila! 16 Naangere yib+inyavi nadaanyagaa' kaapiya tewaanya naanga yanga kin+nnakerina nemi Gotiyari "Su! Su! Gimire yaya' makimango," widadaawori yi kaapiya sai Kiraaz+tiyare tawesi neminyi maraneyib+waray+rakurakadei midaaka! Yi biretiya gunyanadaanya daza' neminyi Kiraaz+tiyare kilaakejis+ ye'mwannaneyib+warakade' midaaka! 17 Biretiya sa' gave piri'nanya' warike'na nemi a'mwe kwalaalyaina yune kilaaka gave pijina mwaaihoinera. Sare' darevinyi. Nemi yuyaina biretiya gave piri'nanya sahirivina nadaanyainera. 18 Sarimi Yiz+reliyare Kilaakejik+daa'nyaraavina jaw+ranganyila! Gotiyarina mubithika yira'divisara kwaraanyabanne miwita nadivisara yi sahwara Gotiyalyi ye'mwannemwaaidivisara midaaka! 19 Sarev+daa'nyi nimi yagaala gara divanige? "Kwaasigotiyare tika wapaaya sa' nebulya piri' kiri' dingaka? Ge' dingaka?" nabaai "Kwaasigotiyai gami sai nebulya'nanyai pwai kwai dingaka?" 20 Aawa. Nimi dara divanige. Naangerina mu'nyadivisara ajimya yuyangiyara yidika yira'divita tika munne sa yi Saataanimire yimakeraavina yira'divitangi. Gotiya nebulya'nanyarina yira'divita mi'. Yimakeraji sarimi ye'mwannemwaalya'neihi

jima'nyide'na nimi simunyavi “Aala!” diwa. Sarehi nyima'nipidika! ²¹ Naangere kaapiyariji yimakere kaapiyariji aalya ye'mwannanya'na sarimi yiniga wi'na nipi'neihi mi'. Aawaawa. Nabaai Naangere wapeyi'binyaviji yimakere wapeyi'binyaviji wapaaya ye'mwannanya'na yiniga wi'na nipi'neihi mi'. Aawa. ²² Yi sara yaaja' neminyina Naangei similika wilade' yaade'na daa! Nemire diraginya' gamire diraginyavi wavilavade' dingaka?

²³ “Yuya ya kimaakiya madakinyikengireva,” kiri' yuya sa a'mweraavi wigaimwade mi'. “Yuya ya kimaakiya madakinyikengireva,” kiri' yuya ya sa diraginya pada'galayivaimwange' neyade mi'. ²⁴ Sarevina a'mwe aane pwai kwai nayaa pada'galamaremwaainya' yune gami sarina myanna! Aawa. “Nimi sara yiwijavi a'mwe pwaraji nayaa mwaai'kaji,” a'mwe yuyara nayaa pada'galamaremwaainipika! ²⁵ Yuya miwita sa sitiwaayavi mubadivita sa sarimi navina nyina jila! Sarimire simunyara padaihirakaderaavina yidaanganya aane pimili' kimili' mipina! Yuya sa dinyila! ²⁶ Sare' darevinyi. Dara dinikesi. Kwaaka dathavasi yuya yunewinna waraka yunebanna milemwaalikeji sa yune Naangerennanyangi. Sare'na yuya naanne' wikira. ²⁷ Nabaai a'mwe pwai kwai Kirazitiyari malimwagyadei “Wapaaya naade'nana!” dazai kagithozi yi gim'i sari kadika yina ya'gizi wina yaja' giminyi gizaavaja gazasa' tika wapaaya miwita sa' navina nyina ja! Gimire

simunya padaihirakaderina “Miwita da' gawidaa'nyavaka?” yidaanganya minna! Yuya sa dinana! ²⁸ Sare kirivi a'mwe pwai kwai dara yihithaza! “Miwita da' nemi naade' davanyaraavire gotiyaraavi wjawaasasi,” yi sare sa'na yihithathe a'mwe dazarinaji simunyai padaihirakyarinaji sarimi tika sare' manipina! ²⁹ Nimi yune gimire simunyai padaihirakayarina majivanige. Aawa. A'mwe sahwa githazai yi dazarerina divanige. Sare' darevinyi. Kirazitiyareinyi yuya yiniga wi'na niwineinyi kiril' a'mwe pware simunyarikayaaka nyigaimudikaji sagaa' maninna! Sare'na nimore diraginyabwi yiwija' pwara simunyai maranyawibwaraja' tewaanya berina maarideinyaka! ³⁰ Yi nimi Gotiyari “Su! Su!” wida'muji niwine' tewaanyasi. Kiril' “Su! Su!” widiwija daza'na pwara biraiyagaala nyidipi'de' tewaanya' berinanaka!

³¹ Sarevidaanyi sarimi tika wapaaya nadaapiji dingaka? Aalyaji nadaapiji dingaka? Nabaai pini yadaapiji dingaka? Yi Gotiyarine yaya' munyaba makilya'ne'na yuya sa jila! Sarimi piril' kiril' yipija'na Gotiyarine yaya' munyaba makilaja' gave' sara jila! ³² Yi Juyaraavinaji Grikiyaraavinaji Gotiyare kusilaanyaviyaraavinaji kave jila! Sahwara kayaa'nanyaburi walarya'nebwi kininnakeihi nyima'nipidika! Sahwara kayaa'nanyabwi yawirya'neraavi numwaaihpidika! Sahwara Gotiyarera yima'nya'neraavina sarimi sasarebwi nyipidika! ³³ Nimi kwainyi a'mwe yuyara yiniga wi'na yuya sabwina tewaanya

wiwu'nade yuya sara yadinyainyi. Yune nimi sainyina gaimwannya'ne yadinyainyi mi'. Aawa. Nimi "Gotiyai a'mwe kwalaalyaraavi padaihasamaarana!" dadit sahwaravina gaimwagya'ne yadinyainyi.

11

¹ Nimi kwainyi Kiraazitiyari yawirangadi ke'ba'nanya sahwarit wimididinyainyi. Sasarebaaibi' ninyi nyawirangadivi' ke'ba'nanya sahwayi dinyimidinyila!

Gotiyari yilaayagaa' a'mwe kawaaka yi'nadivisa'nesi.

² Sarimi yuyagaa' ninyina yawidivi' yuya yagaala daza maa'di yihizaavadinyabaaibi' nayaa limwaga'divisa'na yi nimit diwa. Sarimi tewaanya nebulya'nanyabwi yadivisaihiyi.

³ Nabaai sare kirivi "Sarimi yagaala datha' yawipika!" simunyavi yawi'manige. A'mwe gazaizare minyaginya sai yi Kiraazitiyalyi. Yi a'mwevire minyaginyai yi gannya a'mwelyi. Yi Kiraazitiyare minyaginyai yi Gotiyalyi.

⁴ Nabaai a'mwe gazaizai gannya minyaginyavi bwakinaroji pigaa' Gotiyari yagaala widazai, yi pigaa' Gotiyar'ne yagaalya' wi'nawijiwaakajai, a'mwe dazai gannya minyaginyavi wagiila wijaawa'. Aaya kaavilya' daresi. Sara yajai gamire minyaginyai Kiraazitiyari bwakakaja'na pwari kwaakewi mwaaladelyi. Kiraazitiyari kwaakewi mwaaladei mi'. ⁵ Nabaai a'mwe gazasa' gannya minyaginyavi mabwakaki yaja' pigaa' Gotiyari yagaala widaza', yi pigaa'

Gotiyari wi'nawijiwaakaja', sa' kirisi gannya
 m'nyaginyavina (gannya kwalaangerina) wagila
 wijaawa'. Sare' darevinyi. A'mwe sare'
 a'mwe kayaa'nanyavina wagila wijaaya'ne'na
 mijata yuya davakwikwiryadivitabaabi'
 avaina yiwa'. ⁶ Sare' darevinyi. A'mwe'
 Gotiyari widathehaa' gannya m'nyaginyavi
 mabwakakya yaja' yi nabaai sav' gamire
 mijasa' tu'na dawasi'nipika! Kiri' a'mwevire
 mijasa' tu'na dawasi'nya piri' davakwikwiry
 kiri' yipija'na wagila nuw'a'nadi'de'na
 yi sa' gannya m'nyaginyavi bwakinarana!
⁷ Sare' darevinyi. Yi a'mwei gannya
 m'nyaginyavi mabwakakana! Sarei Gotiyare
 ke'ba'nanya naw'nyimaraangelyi. Gotiyare
 byaanna diraginya' yijiwaainadelyi. Sare
 kiri' a'mwe' a'mwere byaanna diraginya'
 yijiwaainadesi. Sare' a'mwe' gannya
 m'nyaginyavi bwakakana! ⁸ Sare' darevinyi.
 Gotiyai a'mweri a'mwevire kilaakejikidaa'nyi
 myavikaryaa'. Aawa. A'mwevi a'mwere
 kilaakejikidaa'nyi yavikaryaakesi. ⁹ Nabaai
 sare' darevinyi. Gotiyai a'mwevina yawiraka
 yavikaryaakai mi'. Aawa. A'mwerina "Sahwari
 wigaimwagatheva!" daka yavikaryaakesi.
¹⁰ Sarevi ejeliyara tinna wanganya'ne'
 a'mwevire m'nyaginyavi diraginya' kininnake'
 mwaalana! Sa' a'mweri dalaangewi mwaalikesi.
¹¹ Sare kiri' Naangeri w'lamwaihovi a'mwenna
 mwaaidivi' a'mweraavine maaya mi'. Yi
 a'mwerana mwaaidivi' a'mwengine maayara
 mi'. ¹² Sare' darev'idaa'nyinyi. Gotiyai a'mwevi
 a'mwere kilaakejisi yavikaryaakabaabi'

Gotiyai sara dakakevina dahaa' a'mwevire kilaakejiki a'mweri maa'desi. Yi Gotiyai sai a'mweraji a'mweji piniji sa yuyangi aaya kaavilyalyi. ¹³ Sarimi sahi yagaala daza' nayaa dimaryawibwaryila! Yi yilaayagaa' a'mwe' gannya minyaginyavi mabwakaki yoji Gotiyari widaza', yi sa' nawi'nyabwi daaka! ¹⁴ Nabaai nemi Kwaaka davakine a'mweinaavire sabwi yi sariminyi dara yhibwaridaakuvani' "Nabaai a'mwei mijata saaminyasiyai yida'nanyai daaka! Wagila wivwa'manikei midaaka!" ¹⁵ Nabaai a'mwe' mijata saaminyasiya' yi mijata daza' gannya byaanna diraginya' midaaka! Gotiyai gamire minyaginyavi bwakinarya'ne' mijata saaminaange' nayaa wijaavakesi. ¹⁶ A'mwe pwai kwai a'mwe mabwakinarya'ne sahirina "Gavamarasi'nyiyagaala dima!" dazai, yi nimi dara widideinyi. Gotiyari yilaaya yaadehaa' nemi sasare sabwi kuneine. Nabaai Gotiyare kusilaanyangiyaraji sasare sabwi kunerera.

Naangei balakevine yawisa'ne aalya, wapaaya nadivisa'nesi.

¹⁷ Sinnawi yihithiwa. Tewaanya nebulya'nanyabwi yadivisaihiyi. Sariminyine yaya' munyaba yihimakimwa. Kiri' dare'na sara myhizivanige. Sarimire yibwa'nawinya savina tewaanya kwalaalya mima'nyadengi. Aawa. Kayaa'nanya kwalaalya yima'nadengi. ¹⁸ Sare' darevinyi. Aayagaa' nimi savidaasi da'mujiyainyi. Sarimi Naangere kusilaanyaviyahi yirakuramwaaaidivi' yaasiwa' milikasamarya yadivisaihiyi. Nimi

yagaala daza' sara wi'nivanige. Sara wi'nena yagaala dazavina maali'na limwamwa. ¹⁹ Sare' darevinyi. Gotiyai "Sariminyidaa'nya pwaraavi nimi yawiradahilakyara ku'maayabanna yima'naabipika!" kadozi sarimire tinnyari sahwaru tewaanyara mwaabi'de'nanyi. ²⁰ Sarevidaa'nyi sarimi yuyaihi Naangeri yilaaya'na avaalyaba yi'bwa'nemwaaidivisagaa' Naangere wapaaya dinyide'ne wapaaya mi'. ²¹ Sare' darevinyi. Sarimi yuyaihiri gazaizai yime'nya'bi' yada yi gannya wapaaya maa'da tika nadelyi. Sara yadivi' mye'mwannanyadivi' pwai mijina mwaidaasi yi pwai wapaayaji aalya waainiya nyina yada yimaka widelyi. ²² Gatha'darevina! Yi sarimi wapaaya aalya nya'ne ange kuneihi dingaka! Sarimi dara dahayawimaniga! "Gotiyare kusilaanya sa' yaasiwa'nanyasira." Yadivi' neya'mwe pwara wapaaya maayaraavina sarimi wagiila wijaavanigasaihi daaka! Sa'na nimi yagaalya' gara yihithijiwana! Nimi sariminne yaya' munyabanna yihimakilijihyawa! Aawa! Yuya dazanna yadivisa'na sariminne yaya' makilideinyi mi'. Sariminyi yihizidavideinyi.

²³ Sare' darevidaa'nyinyi. Nimi Naangeri yagaala da' maarena sariminyi mena yihizaave. Yagaala daza' yi daresi. Yi sawisavi Juthaazai Jizaazari yikamaangeraavire asiri marimwangakegaa' yi dazagaa' Naanga Jizaazai biretiya' maaraka ²⁴ Gotiyari, suya widakegaa' gunyina yaka dara wida' "Datha' yi sariminyineba nimore kilaakejikira. Niminyina

yaw+rya'neihi kuna sara jidevulyi.” ²⁵ Aya sahi+baaibi'na kumi+ tivi'na nevegaa' yi sai kaapiyai maarina yaka wida' “Kaapiya dathai yi ninnya tawe' yagaala yihilimwagarika mudikesi. Gazagaasagaa' sarimi+ sahwariya' dinyidehaa' niminyina yaw+rya'neihi nayaa sara jidevulyi.” ²⁶ Sare' darevinyi. Gazagaasagaa' nipi+jahaa' sarimi+ biretiya daza' nadiv+ yi kaapiya dazariji+ nadiv+ yi dazagaasagaa' Naangei mena balake'na wibwaridaakwadiv+saihi+lyi. Sarimi+ sana sana yiwina yapiji+ yune gami+ bya'negaa'nanyi.

²⁷ Sarevi+ yi nabaai a'mwe simunya' nayaa myaw+ryojiyai Naangere biretiya daza' yaasi+wa' tika maranajai Naangere kaapiya dazariji+ yaasi+wa' maranya yajai sai sa' dara yadelyi. Naangere kilaakeji+kinaji+ tawej+kinaji+ kayaa'na yadelyi. Sara yaja dazavina yi gami+ yiwetawakya kininnakelyi. ²⁸ A'mwei gannya simunyavi+ nayaa yaw+ramaarana! Tewaanya yavada'galayawiroji+ biretiya daza' sai yiniga wi'na nana! Yoji+ kaapiyariji+ wi'na nyina yana! ²⁹ Sare' darevinyi. Naangere kilaakeji'na nayaa mamaryaw+bwari yaja'na, “Sa' naangaangesira,” myawiri yaja'na sai wapaayas+ aalyas+ tika yaasi+wa'na nyina yada sarei yiwetawakya' maaradelyi. Yi sahwar+ jidavadelyi. ³⁰ Sarevi+ sariminyi+ a'mwe kwalaalyara w+rita mwaaidiv+ nalaaya kininnakere. Nabaai pwara baryavi+ se mena wakasare. ³¹ Tika manyagaa' nemire simunyavi+ nayaa maryaw+bwaraaja' yi yiwetawakya sa' ney+ma'nade' mi'. Nej+davade' mi'. ³² Yi

Naangei nemire sabwi maryawibwa'da yi kayaa'nanya' nerivikiraja' yi daza' sai neminyi marayida'mata neyivanikelyi. Sara neyaja sa' "A'mwe Kwaakevakiyabulyiyaraaviji man-eye'mwannaj+daya'nei nye'mwannaj+davad+ka!" dozi sara neyavada'galadelyira.

³³ Nimire nya'mweihi, sarevi yi sarimi "Tika naaji," yibwa'nemwaalapiji yuya pwaraavina nayaa pizigwa jemwaalyila! ³⁴ Nabaai pwarimijika wiyaja' sai gannya angevi nadelyi. "Neminyi nanemaryawibwaradika!" dapiji sarinnya yibwa'nemwaalyagaa' nayaa sara jila!

Yagaala pimaginiya kuna warikenna dividaa'nyi sariminyawinna bi'mava'muji yi nini yida'mawakideinyi.

12

Kurya Tewaanyare sihumale dala pininna pininnanyanni.

¹ Nya'mweihi, nyida'mwa'daasa'na Kurya Tewaanyai yanga nejaavade sanna sarimi navika ya'na simunyavi nimi "Aala!" diwa. ² Sarimi mena dara yawimaniga'. Sinnawi sarimi ajimya yuyangiyaihi mu'nyadivisaihi kuna mwaaleva yi dazagaa' Saataani kwaasigotiyaraayawinna yagaala majadivisaraayawinna yihimwagi'namakwawakeihilyi.

Sara yihyadaa'nyi sarimi likadike' galarilavimwaaih+nikeihi midinna yesaihilyi.

³ Sarevi nimi sariminyina simunya' dara yihizaavanige. Aane pwai kwai Gotiyare Kuryai

wilamwaaidei yagaala wɔdadei dara dannei mi! “Jizaazarɔ Dikeyɔ Gotiyai wɔmarasi'nya'nelyɔra.” Nabaai a'mwe aane pwai kwai dara majɔ yannelyɔra “Jizaazai Naangei.” Aawa. Kurya Tewaanyarɔ wilamwaaalajai yi sai sara dannelyɔra.

⁴ Kurya Tewaanyare sihumale dala pininna pininnanya jaapainya'ne warikengi. Sare kirɔvɔ sihumale sa yanga nejaavadei Kurya gave pwainanyalyɔra. ⁵ Yi wɔdaaya dala pininna pininnanya jaapainya'ne warikengi. Naangei gave pwainanyarɔ yuya sa wɔdayadaanyalyɔ. ⁶ Wawinya ya'ne diraginya dala pininna pininnanya jaapainya'ne warikengi. Sare kirɔ! Gotiyai gave pwainanyai a'mwe yuyaraavɔna diraginya sa wɔjaavadelyɔ. Yi sahwai yuya saraavɔ yuya wawinya sa yiniga wi'na yannelyɔra. ⁷ Yuyaraavɔ gaimwagya'ne'na Gotiyai gazarɔzarɔ Kuryare diraginya' marima'naabadelyɔ. Yange wɔjaavake ku'maayabanna yɔbwarɔdaakwadelyɔ. ⁸ Sare! darevɔnyɔ. A'mwe kwarɔna Kurya Tewaanyai a'mweraavɔna simunya tewaanyabwi yɔbwarɔdaakwia'ne diraginya' wɔjaavadelyɔ. Nabaai a'mwe kwarɔna Kurya gave pwainanya dazai yagaala wɔjɔwaakya'ne diraginya' Gotiyare sabwina a'mwera nayaa yawɔramaapi'de'na sa' wɔjaavadelyɔ. ⁹ Nabaai Kurya gave pwainanya dazarɔ a'mwe kwai diraginna limwangebwi maaradelyɔ. Yi sahwai “Sasare! ya Gotiyare diraginyavɔ yaanneinera,” dada sara yadelyɔ. Nabaai gave pwainanya Kurya dazarɔ a'mwe kwai

nalaav+nakeraavi naw+'nya yavada'galya'ne diraginya sihumale maaradelyi. ¹⁰ A'mwe kwarina diraginyangi wawinya ya'ne wijaavina. A'mwe kwarina Gotiyari wi'nawijiwaakya'ne diraginya' yanga wijaavina. Gotiyare Kuryai yagaala wijaaya nedadivisaraaviji yimaker a yagaala wijaaya nedadivisaraaviji siduta maryaw+bwaranganya'ne' a'mwe kwarina wijaavina. Yagaala ge gengi aaya kaavilya myaw+ryade wija'ne' a'mwe kwarina wijaavina. Yagaala ge gengi aaya kaavilya myaw+ryade marija'ne' a'mwe kwarina wijaavina. ¹¹ Yune Kurya gave pwainanya dazai sihumale yuya daza marima'naabya'nei yadelyi. Yune gannya simunyavina mididehaa' yanga piri' a'mwe pwarina yi yanga piri' a'mwe pwarina sana sana maryaw+bwa'devaai bi' jaapaidelyi.

*Nemi yuyaina kilaaka gave
piji'nanyaj+kiyainaavines.*

¹² Gotiyare Kuryai diraginya yanga nejaavade sare' darevinyi. Kilaakej+kine ke'ba'nanya' daresi. Kilaaka saji' gave piji'nanyaji' yaka kiri' a'mwe pwar+ kwalaalya war+kej+ki. Yi kwalaalya war+ka kiri' sa yuya kilaaka gave piji'na war+kej+ki. Sasarebaaibi' Kiraazitiyai kwai kilaaka gave piji'nanyai kwai kwalaalya kininnakei mwaalikelyi. ¹³ Sare' darevinyi. Kurya gave pwainanyai bavitaaziya' neyakev+daa'nyi kilaaka saji'na gave piji'na yima'noinera. Yi Juya pwara Girikiya kwara, yi yaasiwa'wawinya pwara kumire wawinya maremwaaidivita kwara, yi nemi geina geina

kilaaka gave piji'na yima'noinera. Nabaai Kurya gave pwainanyari aalya'bisari yuna nya'neinaavina sahwari nejaavakeinera.

¹⁴ Sare' darevinyi. Kilaakeji' saji' gave pimaginiya'nanyaji' mi'. Aawa. Kwalaalyimaginiya kininnakejikira. ¹⁵ Yi sivi'lya' dara daza' "Nimi ata'nyi mi'. Sarevi yi nimi kilaakejikiya pimaginiya'nyi mi'," yi sarevina daza' kiri' sa' kilaaka pimaginiya' kuna waradesi. Yagaala sare' daza'na

mi'. ¹⁶ Nabaai kadiki' dara daza' "Nimi tinnainyi mi'. Sarevindaasi nimi kilaakejikiya pimaginiyainyi mi'," yi sarevina daza' kiri' si' kilaaka pimaginiyi' kuna waradiki. Yagaala sarevina mi'.

¹⁷ Kilaaka yuyaji' saji' yune tinnainanyai waraji kwaji kadika gatha'dara ku'nadikejikaka! Kilaaka yuyaji' yune

kadiki'na yima'naji kwaji tirinyavi gatha'dara kwinnadikejikaka! ¹⁸ Kilaakeji' sasareji' mi'. Aawa. Gotiyai simunyavi sara yawirakabaabi' kilaakejiki pimaginiya gazarizari nayaa wakaka yuya kumi sangi kumirebanna wakakejiki.

¹⁹ Nabaai kilaaka yuyaji' yuyimaginiya avaala pimaginiya' yima'naji kwaji yi kilaaka nebulyaji' gawi warikejikaka! ²⁰ Kiri' sasare' mi'. Aawa. Kilaaka pimaginiya kwalaalya kininnakejiki. Sara yaka kiri' kilaaka gave

piji'nanyajiki. ²¹ Nabaai tinnyai asiri yiniga wi'na widannei mi' "Yi gim'i mwarija' gaveinyi warideinyi wikira."

Nabaai mnyaginiya kiri' sivi'lyavi widannei mi' "Gim'i mwarija' nimi gave'nyi waride'nyi wikira."

²² Aawa. Kilaaka pimaginiyanna nemi yawi'daanya

“Kumi diraginya mi’,” daza mwaryadori yi kilaakeji’ nawi’nya waradezi’ mi’. Aawa nebulyasi. ²³ Yi nemire kilaaka pimaginya nemi yawi’daanya “Kumi waryaanyangi. Maal+kengi,” nemi yiwaala naanga nayaa baazi’ma’nadaanyi. Nabaai kilaaka pimaginya “Nawi’nya mi’. Sangina majadaanyangi,” wagila mamaarya’neina nemi yuyagaa’ yulyakadaa nawi’nya maremwaidaanyaine. ²⁴ Nemire kilaaka pimaginya nawi’nyangina sarebwina mugainyadengi sara myadaanyangi. Aawa. Gotiyai yuya kilaakeji’ ye’mwagakya yakelyi. Yi kilaaka pimaginya’ yi savine yaya’ kwaakebanna warike’ yi savine yaya’ munyaba naanga makidelyi. ²⁵ Sara yade sa’ yi kilaakeji’ pimagi pimagi najaapainadi’de’nanyi. Aawa. Yuya kilaaka pimaginya yuya kilaaka pimaginyangine’na avaina nayaa maremwaabiza sara yip’de’nanyi. ²⁶ Nabaai kilaaka pimaginya’ daanga wiv’inaja’ kilaaka yuyaji’ daanga yunewinna bavinigulina yadeziki. Nabaai kilaaka pimaginyavine yaya’ munyaba makilaja’ kilaaka yuya pimaginya sa yilaaya ye’mwannamaaradeziki.

²⁷ Yi sarimi saihi Kiraazitiyare kilaakejikira. Yi sarimi yuyaihire gazaigizaigi gamire kilaaka pimaginyaji’ginyi. Yi yuyaihi pimaginyajiki.

²⁸ Nabaai Gotiyai Kiraazitiyare kusilaanyavi pwaraavi wakakelyi. Aaya munyaban-yara Apozeliyara Naangei Widaasadera, ayawidaasara Gotiyari wi’nadivi’ a’mweraavi wiji’waakya’nera, dahasaai dahaasara wiji’wiry’a’nere. Sahwaraavi dividaasara

d̄iraginyanḡi ya'nera, ayahi d̄ividaasi nalaav̄inakeraav̄i tewaanya yavada'galya'nera, ȳi a'mweraav̄i gaimwanga ya'nera, ȳi wawinya dala p̄in̄inna p̄in̄innanyanḡi maremwaalya'nera, ȳi yagaala nabinabinya myaw̄iryad̄iv̄i' kir̄i' ja'nera. ²⁹ Gatha'darevaka! Yuyara Apozeliyara daaka! Yuyara Gotiyari wi'naw̄ijiwaakad̄iv̄isara daaka! Yuyara w̄ijiw̄iryad̄iv̄isara daaka! Yuyara d̄iraginya ya'ne d̄iraginya' kin̄innakera daaka! ³⁰ Yuyara nalaav̄inakeraav̄i naw̄i'nya yavada'galya'ne yanga kin̄innakera daa! Yuyara yagaala myaw̄iryara dad̄iv̄isara daa! Yuyara yagaala sa yin̄iga wi'na maridad̄iv̄isara daa! Aawa. ³¹ Sare kir̄i' yanga naanga sanna “D̄iraḡinna yaw̄iramaraana!” dad̄iv̄i' dimwaalȳila!

Tewaanya w̄ivu'nadevur̄inesi.

Yi dahaa' gave p̄iri'nanyabwi nebulya'nanya naw̄i'nyaangebwi sinnaw̄inyabwi dawwi ȳhibwar̄idaakuma!

13

¹ Nim̄i Gotiyare yagaalya' a'mweraav̄ire yagaala dala p̄in̄inna p̄in̄innanyanḡiji ȳi ejeliyaraav̄ire yagaala kin̄inḡiji myaw̄iryad̄inyanḡina a'mweraav̄i wid̄iw̄ija' kir̄i' sahwarav̄ina tewaanya manȳivu'nyaja' ȳi nim̄i sareinȳi beloya gir̄inḡi'devaaīb̄isainȳi. Gwarewa' jaka yaasiwa'na ȳinn̄igodevaaībi' aaya kaav̄ilya maayainȳi waryaanyainȳi wid̄idevaaīb̄isainȳi. ² Nabaai nim̄i Gotiyari wi'nadi pwaraav̄i w̄ijiwaakya'ne yange

kininnakeinyi mwaaimuja', yi yuya simunya Gotiyare nebulya, yagaala kuku'nya yoinavajalukurakya sa yawi'muja', yi yuya yawita pin+ kiniji+ kininnakeinyi mwaaimuja', yi nimi+ yawi'na "Gotiyai mugunya sa makwannelyi," sara wija'ne diraginaanga limwanga nebulya'nanya' kininnakeinyi mwaaimuja', sare kiri' a'mweraavina tewaanya manyivu'nyaja' yi sarevi+ saba sana yaasiwa'nanyainyira. ³ Yi nabaai nimi+ "Nimire yaya' munyaba makinima!" da'muji+ nimire gilyivita yuya a'mwe gilyivi'maayaraavina yanga mudina yiwija', yi nimi+ nimire kilaakeji'na "Gotiyare yikamaangera dikevi+ maranyirapika!" diwija' marimwanginyina yiwija', sare kiri' a'mweraavina tewaanya manyivu'nyaja' yi sarevi+ aane piril' aane kiri' yiniga wi'na nyigaimwagatheinyi mi'.

⁴ A'mwe pwai pwaraavina wivu'nadei sai kwaamu'nanyabwi wiadelyi. Yi wivu'nadei sai pwaraavi+ bwiwanna wigaimwadelyi. Yi sai pwaraavirennaji+ pwaraavireburanaji+ tiganarya myadelyi. Yi wivu'nadei sai gaminne yaya' makinadei mi'. Yi sai pihadika yadei mi'. ⁵ Yi sai kayaa'na mi, wagilyabwina yadei mi'. Yi sai yune gannyanna, gannyabwina simunya kwalaalya yawi'dei mi'. Yi sai similika yarai widei mi'. Yi sai gaminyi+ kayaa'na wiadivita sanna ata magilyada sanna kuna yawi'dei mi'. ⁶ Yi sai pwara kayaa'nanyaji+ yiwetawakya+ yadivisanna yilaaya yadei mi'. Aawa. Nebulya'nanya yadivisanna yilaaya yadelyi. ⁷ Yi sai gaminyi+ yuya kayaa'na

wiadivita sabwi yarai tiviki'dei mi'. Yuyagaa' sai diraginna limwaga'delyi. Yuyagaa' Gotiyarina "Nyigaimwagana!" dada kave yemwaaidelyi. Yuya taanginya sangi diraginna daa'delyi.

⁸ Gotiyarinaji pwaraavinaji wivu'nya dazabwi yiwawodevwi mi'. Aawa nebulyasi. Sabwi kuna waragodevulyi. Yi Gotiyari w'nawijiwaakadivisabwi Gotiyai kunebwi wakadevulyi. Yi yagaala nabinabinyangi myawiryadivi' dadivisabwi ji'mwannadevulyi. Yi simunya tewaanyabwi yawiramaa'divisabwi Gotiyai kunebwi wakadevulyi.

⁹ Sare' darevinyi. Dahaa' nemi pimili'na maali'na yawirangamanigo. Nabaai Gotiyarina pimili'na maali'na w'nawijiwaakivanigo.

¹⁰ Sare' kiri' dividaa'nyi yiniga wi'nanyabwi yima'naabathehaa' yi dazagaa' Gotiyai yuya pimili'na maali'nanya kune wakadelyi.

¹¹ Sinnawi nimi kaimiraaya maali'keinyi kuna mwaalena yi dazagaa' kaimiraayai dadevaabi'na yagaalya' daheinyi. Nimi kaimiraayai yibwaki' devaabi'na sara yibwaki'neinyi. Nimi kaimiraayai simunya' yawi' devaabi'na sara yawireinyi. Yi nabaai a'mwe naanga mena yima' nena kaimiraayamili'kaavire sabwi mena yagalya' maveinyi. Yi sabwi kunebwi wakeinyi.

¹² Sare' darevinyi. Dahaa' Gotiyarebura nayaa myawiranganyivanigo. Yi sinimwavananya kayaa'nanyavi' nemire sinnyi' kayaa'na yennadaanyabaabi' nayaa myawiranganyadaanyi. Dividaa'nyi aayagaa' yi nemi Gotiyare sinnyiki nebulya'na wanganaadehaa' Gotiyarebura nebwina

yaw+ranganaadelyi. Dahaa' nimi pimili'na maali'na yawi'manige. Divi gami n+miny+ nebulya'na nyaw+ranganakabaai' n+mi nebulya'na yaw+rangan+deinyi. ¹³ Dahaa' divi diraginna limwagasabulyi, Gotiyar+na yemwaalyabulyi Gotiyar+naji pwaraav+naji w+vu'nyabulyi dawaai data daza yuyagaa' waragothengi. Nabaai dawaai data sangiya wana naangebwinanyabwi sa' yi Gotiyar+naji pwaraav+naji nevu'nadevulyi.

14

Kurya Tewaanyare yangewaar+nesi.

¹ Pwaraav+na tewaanya y+hi+vu'nyabwi yuyagaa' kuna diraginna di+mi+di+ny+ila! Nabaai sar+mi Kurya Tewaanyare sihumalenna maarya'na “Diraginna yaw+ramaraana!” dad+vi' di+mwaaly+ila! Nabaai sare kiri' yanga naange! “Gotiyari wi'nawaaji pwaraav+ w+i+waakya'neina yi+ma'naana!” diraginna dad+vi' di+mwaaly+ila! ² Sare' darevinyi. A'mwe yagaala nabinabinyavi sihumale' kin+nnakei dadei sai a'mweraav+ yagaalya' mujadelyi. Aawa. Sai yune Gotiyar+na wi+di+van+!. Sare' darevinyi. Yagaala dazavi a'mwe aane pwai aane kwai mu'namaaryad+vi+isasi. Gamire kuryari nebulya'nanya kuku'nya yulyakaja dadelyi. ³ Kiri' a'mwe Gotiyari wi'naw+i+waakadei sai a'mweraav+ wi+dadelyi. Yi a'mwe dazare yagaalya' sa' diraginnya pada'galay+vaimwadesi. A'mwera tewaanya ya'ne sabwina di+haa'bwa'desi.

Kale wiadaa'nyiyaraaviji taanginya wiadaa'nyiyaraaviji wīgaimwadesi. ⁴ A'mwe yagaala nabinabinyavi sihumale' kininnakei gami sari diraginya pada'galayivaimwannadelyi. Kiri' a'mwe Gotiyari wi'nawijiwaakadei sai aangyagaala Kiraazitiyare kusilaanya yuyavi diraginya pada'galayivaimwadelyi. ⁵ Nimi simunyavi dare'na yawi'manige. Sarimi yuyaihi yagaala nabinabinya wija'neihi jima'nyide' tewaanyasi. Kiri' nabaai diraginna dare'na yawi'manige. Sarimi yuyaihi “Nemi Gotiyari wi'nawijiwakaana!” dapiji jima'nyide' nawi'nya tewaanaangesi. “Kiraazitiyare kusilaanyaviyara pada'galayivaimwangebwi maapika!” dozi a'mwe yagaala nabinabinya dadei yagaala daza maridazai yiniga wi'na yadelyi. Sare kiri' yagaala daza pwaraavine'na mamariji yajai yi Gotiyari wi'nawijiwaakadeibisai yiniga wi'na yadei mi'. Aawa. Gotiyari wi'nawijiwaakadei sai gave pwainanaanga nawi'nyaangelyi.

⁶ Nya'mweihi yagaala datha'na nayaa jawirila! Nimi sariminyawinna wiwijainyi yagaala nabinabinya yihithiwija' gatha'darevi yihigaimwagideinyi! Aawa. Gotiyai nyibwaridaakwade piri', simunya nawi'nya' yawiranganya'ne kiri', Gotiyari wi'nayihiziwaakya piri', yihiziwaakya kiri' yihithiwija' nayaa yihigaimwagideinyi. ⁷ Darebaabisasi. Gaala maaya, gware piri' piradaza kiri' nabaai sa kiniji avaala sasarengi. Nabaai a'mwei gware piri' piradaza kiri' kayaa'na dina yada sa' yagaala yaasiwa'na

dina yadengina “Akai, savire yagaalya' nemi kadika nayaa pada'galawi'nya' gatha'darevaka!” dadaanyi. ⁸ Sare' darevinyi. Yi nabaai pwara jaka ge'bi' kayaa'na danganna “Yarala! Mala pinaana!” yipija' kadika w+'noji malya'na maryoviravalimwagata yadei aihwalaka! ⁹ Sarimi kwaihilyi sasarebaabisasi. Sarimi taalisasi yagaala nawinya yida'na muji yipija' sarimire yagaala dazavire aaya kaavilyavi gatha'dara yawirangabi'deraavaka! Aawa. Sare' darevinyi. Sara mi yipija' sarimire yagaalya' yihusavi saba sana yaasiwa' yiwina yadevaabisasi. ¹⁰ Nebulyasi. “Kwaakevaki yagaala kwalaalya ge ge dahawarikajinyira.” Yagaala aane piri' aane kiri' yaasiwa'nanya' mi'. Yagaala yuya sangina aaya kaavilya' kininnakengi. ¹¹ Sarevidaa'nyi a'mwe pware yagaala aaya kaavilya' nimi myawiranganyi yiwija' yi sai nininyina dara yawiradelyi “A'mwe maa'maataali'minnyalyira.” Yi nabaai nimi kwainyi yawirideinyi. A'mwe yagaala diwaka dazai sai maa'maataali'minnyalyira. ¹² Sarevi sarimi kwaihilyi yagaala pwara nayaa yihu'nipija' tewaanyasira. Sariminyi Kurya Tewaanyare sihumale yanga maarya'neihiri nawi'nya yihivu'nivani'. Yi sareihi “Nawi'nya nebulya'nanya sa naanna yaana!” dapiji Kiraazitiyare kusilaanyaviyaraavi diraginya divada'galayivaimwagyidevina kyihivu'noji Kurya Tewaanyari sara jithanganyila!

¹³ Sarevidaa'nyi yi a'mwe yagaala nabinabinya' widazai sai “Yagaala sa'

maridima!” dozi Gotiyari diraginya savina nayaa widana! ¹⁴ Sare! darevinyi. Nimi yagaala nabinabinya! Gotiyari widiwija! yi nimore kuryai sai Gotiyari widathelyi. Sare kiri! nimore simunya! sa! kune! yaasiwa! warina yadesi. Pwaraavi wigaimwagya'ne! yima'nade! mi'. ¹⁵ Sarev'idaa'nyi nimi gara yijiwana? Nimore kuryalyi Gotiyari widima! Nabaai kiri! simunyasi Gotiyari kaavinake! nayaa widima! Nimore kuryalyi Gotiyari daata dima! Nabaai kiri! simunyasi daata kaavinake! nayaa dima! ¹⁶ Sarevi yibwa'namwaidivisagaa! gim'i sara mi yija! yune ginnya kuryalyi kaavimaaya! Gotiyari suya widiza! a'mwe pwai angwangwei mwaalaji yagaala daza! myawiranganyi yadei gimire suya daza'na “Naanga nebulya! sahirisi,” gatha'darevi dathelaka! Sai yagaala widiza daza! myawiranganyi yade'na sa! yiniga wi'na yade! mi'. ¹⁷ Sare! darevinyi. Gim'i suya! tewaanna widiwaanya! kiri! widiwaanyavina a'mwe kware simunya! diraginya mavada'galayivaimwagi yiwaa. ¹⁸ Kwalaalyagaa! yagaala nabinabinyangi dadinyainyi. Pigaa'na pigaa'na sarimi yagaala sangi dadivisaihiyi. Yi sarevi nimi Gotiyai nyigaimwadaa'nyi sahwari suya widiwa. ¹⁹ Sare kirivi dara yawi'manige. Kiraaзитiyare kusilaanyavi “A'mwe kwaraavi wijiwirima!” da'muji yagaala simunyav'nanya ata pwinanya dide'na “Yo,” diwa. Yagaala nabinabinyaviya kwala naanga naanga (10,000) dide'na “Aala!” diwa.

²⁰ Nya'mweihi, yagaala nabinabinya

dadivisavina sarimi sarinnya simunyangi kaimiraayamilikabi' kuna mamwaaibina! Aawa. Kayaa'nanyaburina yadivisa'na sarimi bwaranyamilikabi' nayaa dimwaaalyila! Sare kiri' sarimire simunyangina a'mwe naangerabi' yuneihi nayaa jima'nyila! ²¹ Gotiyare bukuyavi, Kiwinyavi, dara jida'nikesi.

Naangei dara divani'

“A'mwe yagaala pinjiyaraavire maangevdaasi Menyaraavire maangevdaasi nimi widideinyi.

Davanya datharaavi nimi widideinyi.

Sarevi kiri' sahwaranya nyimidibi'dera mi'.”

²² Sarevdaa'nyi yagaala nabinabinya ja sabwi yiniga wi'na yijiwaainya daza' Gotiyari diraginna limwadivisaraavina mi'. Aawa. A'mwe diraginna malimwagyadivisaraavine yakesi. Kiri' Gotiyari wi'napiji pwaraavi wijiwaakya sabwi yiniga wi'na yijiwaainya daza' Gotiyari malimwagyadivisaraavina yaka' mi'. Aawa. Sa' yune limwadivisaraavine yakesi.

²³ Sarevdaa'nyi Kiraazitiyare kusilaanyaviya yuyaihi yikabina yapiji yiraku'nemwaaibiza' yi yuyaihi yagaala nabinabinyangi dipija' a'mwera angwangwe pwara malimwagyadivita kwara wilaabipijara kadika yihu'nipija' dara dipi'de' midaaka! Sarimi yimakyagaala divanigava!

²⁴ Kiri' sarimi yuyaihi Gotiyari wi'nawijiwaakipija' a'mwe malimwagyade pwai angwangwe kwai kusawinna kulaabozu yuyaihire yagaalya a'mwe dazare simunyavi wiloji yi yuyaihire yagaalya sari kotiya maryadaa'nyi sawai gannya kayaa'nanyanna yawiradelyi. ²⁵ Saware simunyavi yuya lika

yulyarike yi ku'maayabanna yima'naabathe sarimire yagaalya'. Yi nabaai sarevi sai gannya sinnyiki kwadaai giloji yi Gotiyarine yaya' munyaba makiladelyi. Yi dara jalikurakadelyi "Naanga nebulyasi. Gotiyai sariminyi tinnyaba mwaalika!"

Yuyabwi Kiraazitiyare kusilaanyavi nayaa yida'na yima'nade'nesi.

²⁶ Sarevidaa'nyi, nya'mweihi, nayaa gara jijwaava? Sarimi yibwa'namwaaidivisagaa' gazaigizaigi ya'ne piri' kininnakeiginyi. Pwai yiledaata kininnakelyi. Yi pwai yihiziwirya'ne yagaalya' kininnakelyi. Yi pwai Gotiyari wi'noji yagaalya' yihizywaakya'ne' kininnakelyi. Yi pwai yagaala nabinabinya' kininnakelyi. Yi pwai yagaala dazavi marija'ne' kininnakelyi. Sarimi yuya sa kusilaanyaviyaraavi pada'galayivaimwagya'neihi nayaa sara jila!

²⁷ A'mwe pwai kwai "Yagaala nabinabinya' myawiryadinya' diji," yi "A'mwe pwaraai daakaji," "A'mwe pwaraai pwai daakaji," sara yiniga wi'na dipi'dere. Sa' wi'nanyi. Pwaraji aawa. Yi yuyara yagaala ye'mwannadwilaawia mipina! Pwai yagaalya' mena tivi'na kadozi yi pwai dividaasi dathelyi. Nabaai yuyagaa' a'mwe pwai yagaalya' nayaa maridana!

²⁸ Yi nabaai a'mwe yagaala marija'nei maayawi, yi a'mwe yagaala nabinabinya' dadei sai gannya maangi' nayaa bipalemwaaina yoji Kiraazitiyare kusilaanyavi kave mwaalana! Sai gavei yagaalya' yune Gotiyalyina ye'mwannadathelyi. ²⁹ Gotiyari

wi'nawijiwaakyara, yi pwaraaina daraai dainanya kwara widipika! Yi wi'nawijiwaakya pwara yagaala sa' maryawibwapika! ³⁰ Yi nabaai pwai mwaalina yadori yi Gotiyai sari yagaala pir'i' wibwaridaakwaja' yi a'mwei aayagaa' daavoji yagaala gamidaasi dathei, sai gamire yagaalya' yarai ji'mwannana! ³¹ Sare' darevinyi. "Yi nemire a'mwe yuyara simunya' nayaa yawiramaapika! Yuyara kumire kuryaraavine diraginya' maapika!" dapiji sarimi yuyaihi Gotiyari wi'napiji yagaala sa' pwaigidaasi pwaigidaasi yiniga wi'na wijiwaakipineihilyi. ³² A'mwe Gotiyari wi'nawijiwaakadivisaraavire yanga sihumale sanna sawara maremwaainadivisare. Pigaa' dina, pigaa' ji'mwannyna yadivisare. ³³ Sare' darevinyi. Gotiyai gavamarasi'nyiyagaala, maihuri'nyiyagaala kininnakei mi'. Aawa. Sai kwaamu'nanyabwi kininnakelyi. Sare'na yawi'daa nemire yi'bwa'namwaidaanyanna nayaa maremwaanaade'nanyi.

Yuyaba Gotiyare tewaanyara Kirazitiyare kusilaanya yuyangi yadivitabaabi' ³⁴ kusilaanyangi a'mwe yagaalya' madipina! Sare' darevinyi. Sahini maange' bipalemwaaina yipika! Yagaala madipina! Aawa. Gotiyare kiwinyavi dinikabaabi' sahini dalaangewi nayaa mwaaibika! ³⁵ Nabaai sahini yagaala wi'nadivi' "Yagaala savire aaya kaavilya' yawiranganaana!" dipija' yi dvidaa'nyi kunnya angengi kunnya kwalaangeraavi yidaangabika! Sare' darevinyi. Kusilaanya savi yagaala daza' nawinya yida'nanyabwi mi'. Wagila

kininnakebuli. ³⁶ Gatha'darevaka! Gotiyare yagaalya' sariminyawidaa'nyi yima'nake' daa! Sarim' gaveihiryawi yi'mavake' daa! "A'mwe pwaraayawi aawa," sara dimanigasaihi daa! Yida'nanyabwi mamidinyi be'na yivaniga!

³⁷ A'mwe pwai gami sarina "Nimi Gotiyari wi'nawijiwaakadinyaini." Sai "Kurya Tewaanyare yanga sihumale' kininnakeinyi." Yi sai yawirajai nayaa dara yawiramaarana! "Yilaaya yadaanyabwi neminyina Poli yida'mwake' yi sabwi Naangere kiwinyasi."

³⁸ Yi nabaai a'mwe pwai kwai sasara mibwakinyi yajai, yi sarina "Gotiyari wi'nawijiwaakadelyi," nemi yibwakinaadei mi'. Sari kadika mu'naanna!

³⁹ Nimi're nya'mweihi, sarevi "Gotiyari wi'nawaaji pwaraavi wijiwakaana!" diraginna dadi'vi' dimwaalyila! Nabaai yagaala nabinabinyangi ja sabwina kimaakiya madakipina! ⁴⁰ Yi yibwa'nawinadivisagaa' nayaa yida'na jila! Piri' mena yapi piri' jila! Sarevi Gotiyari yilaaya nawinayaanga nebulya'nanya' yima'nana!

15

Kiraazitiyai mena balaka ayina dikaavake'nesi.

¹ Nya'mweihi, yagaala tewaanya' yihiziwaake' sarimire simunya ayina maradhaa'bwata yihima! Yagaala tewaanya sa' sarimi mena maaresasi. Yi dazavi diraginna daa'divisasi. ² Yi yagaala tewaanya dazahirivina Gotiyai sariminyi yihivadaihasamaa'desi.

Yi yagaala yihiziwaake' sarimi yaasiwa' limwagapija' yi sarimire simunyavi diraginna kuna mwakypija' myihivadaihasamaari yadesi. Aawa. Kiri' yaasiwa' malimwagari yipija' simunyavi diraginna kuna wakipija' yihivadaihasamaa'desi.

³ Sare' darevinyi. Yagaala aaya mudi'nanya' nimi sariminyi yihimarimwange', yi sinnawi yagaala daza' maarageva. Yi yagaala diraginya sa' daresi. Gotiyare bukuyavi dinikevina nemire kayaa'nanyanna marasi'nya'nei Kiraazitiyai balakelyi. ⁴ Yi simaangevi pwara sahwaru wilakesalyi. Yi Gotiyare bukuyavi dinikevina yirika darikaai dariki Gotiyai sareri gaalyari yidikaavakelyi. ⁵ Yi sarei dividaasi Pitaru yijiwaainnyina ya'. Yi sarei ayahi dividaasi gamire atiraai sivila puridaa'nyu pwaraalyaraavi yijiwaainnyina ya'. ⁶ Nabaai dividaasi gave pigaa' neya'mwe kwalaalyaraavi yijiwaainnyina. Sahwara paaivi aadiretiyaraji pwaraji mwaalesare. Yi neya'mwe dazaraaviya kwalaalya naangera sara kuna mwaaiha'. Mwaaihasara yihithipinere. Kiri' pwara se mena bale'. ⁷ Yi nabaai dividaasi sawai Jemizaru yijiwaainnyina. Nabaai dividaasi yuya Apozeliyaraavi yijiwaainnyina. ⁸ Yi wana sawaraavi dividaasi saaminyagaa' bwaranyari ganaange' kayaa'na maarakabaabi' sawai niminyi yijiwaainnyina nyakeinyi. ⁹ Sare' darevinyi. Apozeliya yuyaraavidaa'nya nimi wana maalikeinyi. Yi nimi Gotiyare kusilaanyaraavi kayaaka yigalake'na niminyina yiniga wi'na nyidipineinyi mi' "Sai

Apozeliyalyira.” ¹⁰ Sare kiriri! Gotiyai yanga gaimwanga nyadevi nimi mwaaiheinyi yi Apozeliyainyi sareinyira. Yi gamire yanga gaimwange! nimirine! yi sa! kune! mi!. Aawa nebulyasi. Sai nyigaimwadaa'nyi nimi wawinya diragina miraagikireneinyi. Nabaai Apozeliya pwaraavire wawinya mena wavilaveneinyi. Sare kirivi nimi sainyi myivanige. Aawa. Gotiyare yanga gaimwange! nimiji nye'mwannamwaaida sa! sahirisa! yivanikesi. ¹¹ Sarevidaa'nyi nimi yihye kwainyi dingaka? Apozeliya pwara yihyeta pwara dingaka? Dazavina yagaala maayasi. Nemi yuyaina Gotiyare yagaala sahirisa'na wijiwakadaanyaine. Yi sarimi yagaala sahirivina diragina sara limwagaresaihiyi.

Dividaa'nyi yuya bainikera ayina dikaapi'devnesi.

¹² Yuyagaa! nemi yagaalya! dara yihiziwakadaanyaine. Kiraazitiyarai bainikeraayaba Gotiyai yidikaavake'nanyi. Sare'na sariminyi pwara dara gatha'dara yihithadivika! “A'mwe mena bainikera, sara ayahi ayina yiniga wi'na dikaapi'devwi mwarika!” ¹³ Nabaai yi nebulya'nanya! waraji kwaji yi a'mwe bainikera ayina yiniga wi'na madikaayi yapiji kwaji Gotiyai Kiraazitiyarai ayina yidikaavake! nebulya'nanya! mwari kyadika! ¹⁴ Nabaai Gotiyai Kiraazitiyarai ayina midikaayi yaji kwaji yi savidaa'nyi nemi wijiwakadaanya yagaala daza kune saba sananya kwaradika!

Yi sarimire Kiraazitiyari limwanga sa' kirisii kune saba sananya kwaradika! ¹⁵ Yi nabaai sara yaji kwaji yi neminyina dara kabiramaapidike' "O, Apozeliyara Gotiyarina kwaasi jalikurakadivitara daaka!" Nemi ku'maayaba dara jalikurakadaanyaine. Gotiyai Kiraazitiyari yidikaavakelyi. Sare'na Gotiyai a'mwe bainikeraavi midikaayi yade' nebulya'nanya' waraji kwaji yi sai Kiraazitiyai kwariji midikaayi kyadike'na nemi kwaasi kyihizalikurakaadika! ¹⁶ Sare' darevinyi. "Divi sagaa' bainikeraavi midikaayi yadelyira," daaza' nabaai Kiraazitiyari midikaayi kyadika! ¹⁷ Nabaai Kiraazitiyari midikaayi yaji kwaji yi sarimire diraginna limwangebwi waryaanyabwi kyima'nadika! Yi sarimi sarinnya kayaa'nanyangi kuna kamwaaibithika! ¹⁸ Sarevidaa'nyi a'mwera Kiraazitiyari diraginna limwadivi' se mena baidivisara sara kwaraji kayaaka mena kyigainipidika! ¹⁹ Yune nemi Kwaaka davaki gaala mwaidaanyagaa' gavegaa' Kiraazitiyari limwadaa dahaa'ne sahwarina yemwalaaji kwaji divi balya'negaa' manegaimwagy' yoji kwaji yi a'mwera neminyina kale naanga wiadeina kamwalaadika! Yi a'mwe yuya pwaraavina kale maalika wia' kwaradikesi. Neminyina kale naanga naanga wia' kwaradikesi.

²⁰ Kiri' sasare' mi'. Kiraazitiyai mena balakeri yi Gotiyai ayina yidikaavakelyi. Yi tika munne yabwarya'negaa' nanyine tivina wa'da mala wa'devaai' Kiraazitiyarine a'mwe

se bain#keraavi# sai aaya y#bwarad#kaata yakei yuyagaa' mwaaidelyi. ²¹ Sare' darev#nyi. A'mwei, Aataam#, yakev# balyabwi wakyaa'. Yi a'mwei Jizaazai yakev# a'mwe bain#kera ay#na di#kaaya'nebwi waka'. ²² Yi daresi. Aataam#re y#ta savaak#re yuyara sahwara baid#v#tabaaibi' K#raaz#tiyari# w#lamwaaid#v#ta yuyara sahwara gaalyabwi maap#d#dere. ²³ Nabaai gazaizai yune gannya sagaa' ay#na di#kaa'na, y# gaalya' maaradelyi. Aaya mud#n#nanyai t#ka munne mya gaai yadebisai sai K#raaz#tiyalyi. Gaalya' mena ay#na maarakelyi. Yi nabaai di#vidaa'nyi# sai ay#na walaabathevi# nemi# yuya K#raaz#tiyare saina y# nemi# gaalya' maraadeine. ²⁴ Yi di#vidaa'nyi# aayagaak#ra. Yi maremwaaide gazar#zar#ji# marahuzi#bwaremwaaide gazar#zar#ji# dirag#nnaka gazar#zar#ji# saraav#re dirag#nya' K#raaz#tiyai mari'mwagasi'noji# sai Gotiyari# N#mwar# gannya maremwaaide' mar#mwangadelyi. ²⁵ Sare' darev#nyi. K#raaz#tiyai kuna maremwaaladelyi. Gotiyai gam#re y#kamaangeraavi# gam#re si#v#ly#raaryaba galaw#lawakadehaa'na kuna maremwaaladelyi. ²⁶ Gotiyai yuya y#kamaanga pwaraavi# mena marasi'noji# y# nabaai y#kamaanga aayaangebwi barya ki#bulyi# yasi'nadelyi. ²⁷ Sare' darev#nyi. Dara di#ni' "Gotiyai yuya sahwaryawi# kwaakewi# marulawakakengi." Sara di#ni#ka ki#ri# y# nemi# mena yawi'man#go. Gotiyai yuya, yuyara K#raaz#tiyari# dalaangewi# marulawakakei gami# sai dalaangewi# sah#n#ji#

mye'mwannamwaalyikelyi. Arikewi. ²⁸ Nabaai divi Kiraazitiyari dalaangewi yuya yiniga wi'na marulawakina kyoji yi sagaa' Gotiyare Gawaalivaangei gami sai Gotiyari sahwai yuya marulawakakeri dalaangewi wilawakinadelyi. Yi "Gotiyai yuyangi yiniga wi'na maremwaaide nebulya'nanyai mwaalana!" dozi dalaangewi sara wilawakinadelyi.

²⁹ Nabaai yagaala yidikaasaburine daza' nebulya'na mi yaji kwaji a'mwe bainikeraavi gaimwagya'ne' a'mwe pwara bavitaaziya' maa'manigasara beri' yipi'devaka! A'mwe bainikeraavi nebulya'na midikaayi yanne' kwaji sahwara a'mwe baimwa'daasaraavi gaimwagya'ne' bavitaaziya' be'na maa'manigataraavaka! ³⁰ Yi nemi kwainaji gazagaasagaa' a'mwe pwara neminyina "Kayaaka yigalakaana!" dadivi' yaamiji neyadivisaine. Nabaai a'mwe bainikeraavi ayina midikaayi yanne' kwaji nemi Kiraazitiyari mididaanyaina sara be'na mwaiho! ³¹ Nya'mweihi, yuya yirikerikaavi nimi taanginya maa'di mena bainikeinyibisainyi. Sariminyine yaya' munyaba makimunebaaibi' daza' nebulya'na dadinyi. Nebulyasi. Kiraazitiyai Jizaazai sai nemire Naangeri wlamwaaivevi yaya munyaba makila sa' kininnakeinyi. ³² Nimi a'mweraavirebwina dide'nanyi. Anga Epazaazi nimi sigyaawaryaraji mala tanneinyi. Yi dazavi nimi tewaanya beni maa'mune'na! Nabaai yi a'mwe bainikeraavi ayahi midikaayi yanne' kwaji pwara dara dipi'de' tewaanya'

berit' kwaradikaka! “Baa'nana! Nemi tika wapaaya naana! Aalya naana! Sare' darevinyi. Mwanyagaa' nemi balaadeina dingaka? Nemi yune menanyaina yima'naadeina dingaka?”

³³ Akai, sahwaru kwaasi kuna nayithithipidika! Dara jawirila! “Nemi a'mwe kayaa'nanyaraji ye'mwannayamaryadawaari yi sahwaru nemire tewaanyabwi kayaaka nyigalakipidika!”

³⁴ Sarimi navi'navikebwi nayaa yagalya'ma'na jila! Yapiji yidasabwina jawirila! Sarimi kayaa'nanya' aya kiri' ayawi nyipika! Sare' darevinyi. Sariminyidaa'nya pwara sahwaru Gotiyarina wana myawiryadivisare. Sarimi wagila maarya'ne'na yagaala daza'na yithithiwa.

Kilaakeji' ayina dikaavadezikinesi.

³⁵ Kiri' nabaai a'mwe pwai dara yidaanganadelyi “A'mwe bainikeraavi gatha'dara yidikaavaderaavaka? Yi sahwaru be kilaakeji' maarapiji ayina yima'naabipi'deraavaka?”

³⁶ Ai, navika dara yivaniginyaigi dingaka! Gimi kwaigi silya' mena buridinya' gamire kilaakeji' mabalyi yaja' yi sa' Gotiyai gaala marakade' mi'.

³⁷ Nabaai gimi buridiza daza' dividaasi kilaake' yima'naabathe avaala' mi'. Aawa. Gimi yune wiaina buridinyi. Witizila dinga'?

Tika wapaa piningire silya dinga'? ³⁸ Yi Gotiyai gannya simunyavi mena yawiraka gamire kilaakeji', yi yaginya kwata saza wijaavadezikira. Yi sai wia gazaizai gamire kilaakeji' giryadezi' wijaavadeziki. Pwari gannya kilaakeji' pwari gannya kilaakeji'

wijaavadezikera. ³⁹ Miwita gazasa' avaaninya' m'i'. Aawa. A'mweraavire' gave nabinanyasi. Yi jilikyaawaryaraavire kumire miwita nabinyangi. Yi yikuriyaawiangire kumire miwita nabinanyangi. Yi yusaraavire kumire' nabinanyasi. Yi jawinyaraavire' nabinanyasi. ⁴⁰ Nabaai sigunyavi yilarika sa kilaaka kininnakengi. Yi Kwaakevaki warika sa kilaaka kininnakengi. Sare kiri' sigunyaviya byaanna diraginya' ge' war'i'. Yi Kwaakevakiya byaanna diraginya' ge' war'i'. ⁴¹ Yi sigunyaviyangina nyilyare byaanna diraginya' pirisi. Lawere byaanna diraginya' pirisi. Silingaaminyarikaavire byaanna diraginya' pirisi. Sare' darevinyi. Silingaaminya pirikire byaanna diraginya' nabinyasi. Silingaaminya pirikire byaanna diraginya' nabinyasi. Sana sana yadengira.

⁴² A'mwe bainikeraavire dikaaabwi sa' avaina sasaresi. Kilaaka nemi likirakadaanyaji', saji' sila buridaanyabaabi' bwia bu'deziki. Kilaaka Gotiyai ayina yidikaavadezi', mudika saji' bwia buradezi' m'i'. ⁴³ Kilaaka nemi likirakadaanyaji', saji' yaya munyaba makilya'nej'i' m'i'. Kilaaka Gotiyai ayina yidikaavadezi', saji' byaanna diraginya' kininnakejiki. Kilaaka likirakadaanyaji', saji' wirisajiki. Kilaaka yidikaavadezi', saji' diraginaange' kininnakejiki. ⁴⁴ Kilaaka likirakadaanyaji', saji' yi kwaakevinejiki. Aagilaakejiki. Kilaaka yidikaavadezi', saji' Kuryai maremwaaladeziki. Yi kwaakevakine kilaakeji' a'mweraavireji' waraja' yi Kuryarine

kilaaka kijj' waradezikira. ⁴⁵ Sarevi Gotiyare bukuyavi dara din' "A'mwe aaya mudin'anyai, Aataami, a'mwei Kwaakevakinei yima'naka gaalya' kininnakei." Yi Aataami aaya diviyai a'mweraavire kuryaraavi gaala wijaaya'nei sai kuryai kininnakelyi. ⁴⁶ Kiri' sinnawi kuryare kilaakejiki wlamwaalyaji' gamidaasi yima'naka' mi'. Aawa. Kwaaka dathavakia kilaakeji' sinnawi gamidaasi yima'nakesi. Yi kuryare kilaakeji' sa' dividaasi yima'nakesi. ⁴⁷ A'mwe aaya mudin'anyai sai kwaakevakiyalyi. Sari Gotiyai yune kwaakesina yavikaryaakelyi. A'mwe ayawidaa'nyai sai Sigunyaviyalyi. ⁴⁸ A'mwe kwaaka dazavakia dazaibi' nemi dividaa'nyi yima'nadaa yuya Kwaakevakia a'mweina avainanyaine. A'mwe Sigunyaviya dazaibi' nemi dividaa'nyi yima'nadaa Kiraaзитiyarina a'mwe Sigunyaviyaina yi nemi avaina yima'naadeine. ⁴⁹ A'mwe Kwaaka dazavakiyare ke'ba'nanyasiyaina mwaaihobaabi' yi nabaai divi a'mwe Sigunyaviyare ke'ba'nanyasiyaina mwalaadeine.

⁵⁰ Nya'mweihi, nimi yagaala yida'nanya' yihithivanige. A'mwe miwisasi tawesi kininnakei Gotiyare maremwaalade' yiniga wi'na maarannei mi' Nimware'. Nabaai bwia burya'ne sa' bwia maburyade savi yiniga wi'na maaranne' mi' Nimware'. ⁵¹ Yithaanyi, sare'na Gotiyare nebulya' yoimavajal'kurakya' yihiziwaakima! Yi nemi a'mwe yuyaina neina yima'nadaa balaadeina mi'. Nabaai kiri' yi nemi gainakeinaji bain'keraji yuyaina,

mudi#keinaav# Gotiyai nemwaaiahadeine.
⁵² Yi#me'nya'bi'na, yune ti#baali#ku'nya pi#va'na
 yadehaa', aayagaa'ne gware' jaka dathehaa'
 sara yadelyi. Sare' darev#daa'ny#ny#i.
 Gware' jaka wi#di#na kyoji a'mwe mena
 baini#keraav# bwia maburya'neraav#
 yi#di#kaa'na yoji nem# gaainakeinaji yuyainaav#
 mudi#keinaav# nemwaaiahadeine. ⁵³ Sare'

darev#daa'ny#ny#i. Dare' Gotiyai dakakesi.
 Ki#laaka bwia bu'de dazaji', saji' yade nayaa
 yaraaibwa'noj# yuyagaa' bwia maburya'nej#
 nebaazi'makwadezi#ki. Ki#laaka baide dazaji',
 saji' nayaa yade yaraaibwa'noj# yuyagaa'
 gaala mwaalagothezi' nebaazi'makwadezi#ki.

⁵⁴ Yi# ki#laaka bwia bu'dezi' saji' yade nayaa
 yaraaibwa'noj# yuyagaa'ne bwia maburya'nej#
 kanebaazi'makwoji yi# ki#laaka saji' baidezi'
 nayaa yaraaibwa'noj# yuyagaa'ne gaala
 mwaalagothezi' kanebaazi'makwoji yi# sagaa'
 Gotiyare yagaalya' yunebanna yi#ma'naabathesi.
 Dara di#ni' "Gotiyai malyavi wavi#lavaka
 baryaburi galavi#lawakakelyi. Yaka yuya
 yunebanna yi'mwagas#i'nakelyi." ⁵⁵ Yagaala
 pi#ri' dara di#ni'

"Balyabwigi gi#mi#re si#ke' gava war#ka!

Balyabwigi gi#mi#re tamakya'ne li#sinnyari' ga-
 vanaka!"

⁵⁶ Baryabure li#sinnyari' sa' kayaa'nanyabwi
 yadi#v#isasi. (Yi# daresi. A'mwera
 kayaa'nanyabwi yadi#v#isa'na baryabwi
 naawi#naanyaib#sabwi yuna da'devulyi.)
 Nabaai kayaa'nanyabure di#rag#inya' sa'
 Gotiyare Ki#w#inyasira. (Yi# daresi. Gotiyare

Kiwinya' a'mwera kayaa'nanyabwi yadivisabwi wibwaridaakwada kumirebwina kuminyine yiwetawakya' diraginna wijalukurakadesi.)
 57 Sare kiri' nemi Gotiyari "Su! Su!" widaana! Yi sahwai nemire Naangei Jizaazai Kiraazitiyar' neyavada'galanemwaaihaka neminyine'na baryaburiji kayaa'nanyaburiji galavilawakakelyi. Yi sahwai sika sa' yanga nejaavanikelyi.

58 Ninnya nya'mweihi, sariminyina tewaanya nyivu'nadeihi, sarevi sarimi nayaa diraginna dithaayila! Yi sangina maali'na yibwaaya kiri' nyipidika! Sarimi Naangeri wawinya naange' yadivisa', sa' Naangerina kune' saba sana yiwina yade' mi'. Aawa. Diraginya' waragothesi. Sarimi sara yawidivi' yuyagaa' Naangere wawinya sa' naanga naanga diraginna nayaa jila!

16

Gotiyare a'mweraavi Jeruzaalemi mwaalyaraavi gaimwanga ya'ne nigwiannesi.

¹ Dahaa' sarimi yida'mwa'daasavina Gotiyare tewaanyara Juthiya mwaalyaraavine nigwia dazanna wijaaya'ne dimari'bwarakyidevina yithithima! Nimi Galeziya mwaalyaraavire Kiraazitiyare kusilaanyangi mena widakagevaai' sarimi kwaihiyi' nayaa sasara jila! ² Yuya Saadehasa sarimijiya gazaizai wikiya pirikine nigwia maa'denna nayaa yawirana! "Gotiyai nayaa nyigaimwade'na aawawinya nayaa yena nigwia naanga maa'mweinyi

d'ingaka!” yawi! da kwaala naanga marajaapaloji gave p'iba nayaa pada'galakana! Yi “Gotiyai nayaa nyigaimwade'na aawawinya'ne nigwia maalika maa'mweinyi d'ingaka!” yi kwaala maalika nayaa pada'galakana! Sarevi divi “Polì bi'mavoj+yagaa' sahwaravina wijaaya'ne nigwia yarai namari'bwarakadika!” dapiji sara jila! Yi sarevina mi'na jide'nanyira. ³ Divi nimi kabi'mava'muji yi sagaa' sarimi saihi a'mwe pwara Anga Jeruzaalem'ina sarimire yanga daza' makulya'neravi nayaa dithahilakyideihilyi. Yi nimi sahwaravine paaziya! “Yi dahwara nigwia makabiwaasara a'mwe tewaanyarera,” dinike' wijaava'muji maryaas+wijara wipi'dere. ⁴ Yi nabaai nimi dara yawi'mujainyi “Nimi kwainyiji wivineinyi d'ingaka!” yi sahwaravina nimiti ye'mwannigwawaaderera.

Polì “Koridi mwaalyaraavi wanganima!” daka kaanya yamaryake'nesi.

⁵ Dividaa'nyi nimi kaanya wawa'muji Maazathoniya simagidaasi yalotakudehaa' yi sariminyawinna bi'mavideinyi. Sare' darevinyi. Yi Maazathoniya saba kaanya tivi'na yamarya'muji ⁶ yi sarimiji pigaa'na yihye'mwannamwaalideinyi d'ingaka? Yi sarimiji kuna mwaaida'muji aalimavajinaake' mena yiwawoj+yagaa'neinyi d'ingaka? Nabaai dividaa'nyi anga p'ibanna widehaa' yi sarimi “Nemi tusavine wimakwawaana!” dipija' nimiti'na sara jideihilyi. ⁷ Sare' darevinyi. Nimiti simunyavi daresti. Maalikegaa' nimi sariminyi yune tusagaa'na

wanganya'na “Aala!” diwa. Sare' darevinyi. Naangei avaa'ina yawiraja' nimiru simunya' daresti. Nimi saaminyagaa' sarimiji yihye'mwannamwaalideinyi. ⁸ Nabaai “Nimi dava anga Epazaazi kuna mwaalideinyi. Yi yune Juyaraavire Munne Pedikoziya' mena kyoji kaanya wideinyi,” yawi'manige. ⁹ Sare' darev'idaa'nyinyi. Gotiyai tuta naange' nimiru'ne' mena baasiwa'. Yi nimi wawinya yiniga wi'na ya'ne' wari'. “Naangerera yima'nipika!” dena nabaai dava Naangerine yikamaanga kwalaalya kwaraji mwaal'ina yigasa'na wawinya sa' maremwaalideinyi.

¹⁰ Dividaa'nyiyi sariminyawinna Timoti bi'mavajai “Gamire muny' kave mwaalana! Nemireba lika myanna!” dapiji tewaanya nayaa duwila! Sare' darevinyi. Nimi sainyiyi yivanigevaabi' sai Naangere wawinya' yadelyi. ¹¹ Sarev'idaa'nyiyi yi pwai kwai sarina dara nyawiradi!! “A'mwe miginyalyi. Yaasiwa'nanyalyi. Sari wanganakima!” Yi sahwari nayaa maarapiji “Polimyawinna nayaa yagalaawana!” dapiji sarimi nayaa kwaamu'na yadivi' dividaa'nyiyi sahwari tusavi dimakwidelyi. Sare' darevinyi. Sahwari'na neya'mwe kwaraavinaji yemwaalidelyi.

¹² Neya'mwei Aapolizarina yida'mwa'daasa' daresti. Nimi sahwari yagaala diraginna wideinyi. Saihwaigi nya'mwe pwaraji saraayawinna diwia! Dena kiri' sahwai dahaa' kaanya wiya'na “Aala!” diwa'di'. Sai “Divi sagaaku' nabaai nayaannanyagaa'

wangamuneinyi d'ingaka!” dozi yi sariminyawinna sai kaanna wina yadelyi.

¹³ “Kayaaka nyigainaadika!” dadivi' sarimi mala nayaa yiwannadivi' sarinnya Kiraazitiyari limwangevi diraginna dithaayila! Sarimi a'mwe nebulya'nanyaihi nayaa dimwaalyila! Nayaa yihivaimwadaa'nyi diraginna dimwaalyila!

¹⁴ Gazaza yadivi' yi Gotiyarinaji a'mwe kwaraavinaji tewaanya yihivu'nadevi sara jila!

¹⁵ Nya'mweihi, sarimi mena dara yawi'maniga'. Sitepaanazalyi gamire angeviyaraji aayagaa' kumidaasi yuya Giriza mwaalyaraavi Kiraazitiyarera yima'nesare. Yevera nabaai kunnya yune simunyangina a'mwe Gotiyare tewaanyaraavi widaaya'nera mwaaihasare. Yi sahwaravina diraginna yithithide'nanyi.

¹⁶ “Dazaraaviji yi a'mwe yuya sahwaravi gaimwadivi' wawinya dazavi m'raagiki'divisaraaviji dalaangewi mwalaana!” dapiji sara jila!

¹⁷ Sitepaanazalyi Posunaatazalyi Aakaaikazalyi sara niminyawinna biwa'daasare. Yi daza'na nimi yilaaya naanga yivanige. Davanna yibwa'nadivisaih'rineba sarimijiya sahwarabama'mwa'daasa'na yilaaya yivanige. ¹⁸ Sare' darevinyi. Sahwara nimire kuryari gaalya'na nyigaimwamanigasare. Yi kigaa' sarimire kurya kwaraaviji wigaimwamwaa'. Sarevidaa'nyi sarimi sasareraavi yaya' munyaba makilya'ne' tewaanyasi.

¹⁹ Piroviji Eziya mwaalyara Kiraazitiyare kusilaanyangiyara “Neya'mweihi!” yithithiwaa'. Aakwilaaji Pirizilasi sayolyi sayore angevi

kusi laanyaviyaraji Naangerina “Neya'mweihi!” diraginna yihithiwaa'. ²⁰ Davanya neya'mwe yuyara “Neya'mweihi!” yihithiwaa'. Gotiyare saburi yuyaihi pwai pwari pwai pwari tewaanya'na maangwidaayilaaya dimarinyila!

²¹ Nimi Polinyi pikarya nyidayivanikeri pikariyisar! maarena ninnya asilyi dara yida'mwesi. Nya'mweihi! ²² A'mwe pwai Naangerina tewaanya muvu'nyi yajai Dikevi Gotiyai wimarasi'nadelyi. Nemire Naangei neminyawinna walaabana! ²³ Naanga Jizaazare kale'na gaimwange' sa' sarimiji yanga yihye'mwannamwaalana! ²⁴ Kiraazitiyai Jizaazar! wlamwaaihasaihi yuyahirina nyivu'nadevwi yihye'mwannamwaalana!

Poli

**Yipma Genesis and New Testament
Genesis and The New Testament in the Yipma/Baruya
language
Buk Stat na Nupela Testamen long tokples Yipma long
Niugini**

copyright © 1993, 1994 Wycliffe Bible Translators, Inc.

Language: Yipma (Baruya)

Translation by: Wycliffe Bible Translators

Video recording © The Jesus Film, a project of Cru.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

PDF generated using Haiola and XeLaTeX on 3 Mar 2023 from source files dated 9 Oct 2020

ef60f748-49e3-5ee0-8e6d-a25b74b7a93c